



UNIVERSITÄTS-  
BIBLIOTHEK  
PADERBORN

## **Summæ Theologicæ Scholasticæ Et Moralis**

In Quatuor Partes Distributæ

In qua de Incarnatione Verbi & Mysteriis vitæ Christi, nec non de  
Sacramentis in genere & singulis in specie succinctè & dilucidè tractatur

**Herincx, Wilhelm**

**Antverpiae, 1675**

Disputatio I. De Definitione Sacramenti, & Differentiâ Sacramentorum.

---

[urn:nbn:de:hbz:466:1-72963](#)

Tractatu non uno, ne nimium ex crescatur, sed pluribus expli-  
cabitur; Et in presenti quidem illa, quæ tum Sacra menta om-  
nia generice spectata, tum quæ Sacramentis nova Legis in com-  
muni, vel saltem pluribus convenient, nec non ea, quæ in spe-  
ciali pertinent ad Sacramentum Baptismi, quod est ceterorum  
janua, Et Sacramentum Confirmationis, quod est Baptismi  
velut complementum seu consummatio.

## DISPUTATIO PRIMA.

### De Definitione Sacramenti, & Differentia Sacramentorum.

#### QUESTIO I.

##### De Nominis Sacramenti.

**N**OMEN Sacramenti à sacro derivatum juxta diversas ad rem sacram habitudines diversas fortitur significations. Nam primò antiquitus, teste *Variione l. 4. De Lingua Latina prope finem*, sumebatur pro pignore seu pecunia à litigantibus deponi solita apud Gentilium pontifices, cā conditione, ut pecunia illius qui causā ca- deret, divino cultui seu ærario cederet, in penam in justæ litigationis, victor vero diuam recipere.

Secundo etiam jūramenta, eō quōd fiant per res sacras, vel ipsa tamquam sacra invocabiliter servar' debeant, dicuntur sacramenta. Qui nominis usus etiam in Jure invalidit, ut patet ex *L. Sacramenta puberum C. Si adver- sis venditionem, & Can. Si publicis, & Can. Qui Sacramento 22. q. 4.* Similiter *Tertullianus lib. ad Martyres c. 3.* spōnionē factam in baptismo vocat sacramentum.

Tertiò frequenter in Scripturā usurpatur pro re occulta, ut sacramentum sit quasi sacrum secretum, quod Græcè dicitur mysterium, ut *Sap. 2. Nescierunt sacramenta Dei. Ad Ephes. 1. Ut notum faceret sacramentum voluntatis, & alibi.* Quibus locis in Græco correspon- dēt vox mysterium: quæ etiam à latino Interprete subinde est retenta, ut *March. 13. 1. ad Cor. 13.* & alibi. Et utraque vox est posita ad *Ephes. 3. ubi ait Apostolus: Notum mihi factum est sacramentum..... prout potestis legentes intelli- gere prudētiā meā in mysterio.* Subinde ta- men vox sacramentum vel mysterium su- mitur pro secreto, et si non sacro, ut pro oc- culta quadam & notabili malitiā, *2. ad Thes- sal. 2. Mysterium jam operatur iniquitatis. Apo. 17. Sacramentum mulieris & bestia.* Vel per quamdam analogiam pro secretis Regum & amicorum; ut *Tobit 12. Sacramentum regis abscondere bonum est.* Et *Proverb. 20. Et qui re-*

velat mysteria &c.

Hinc ulterius factum est, ut non tantum res sacræ & secræ, sed etiam illarum signa subinde à Scripturā & Patribus dicantur sa- cramenta. Sic ad *Ephes. 5. conjugium dicitur sacramentum magnum*, eō quōd significaret coniunctionem Christi cum Ecclesia. Et eodem sensu *Apoc. 1.* agitur de sacramento septem stellarum. Patres vide apud *Suarez in praefatione*. Inter quos *Augustinus l. 4. de Sym- bolo ad Catechumenos*, nomine Sacramenti ap- pellat exorcismos, infumations & reliquias ceremonias, quas nos Sacramentalia appel- lamus.

Ex dictis patet, quām falso *Lutherus l. de Vnderſetzung Capituli Babylonica c. de matrimonio scripsit:* Non habet univerſa Scriptura sancta hoc nomen, *littera cā- lumnia Lutheri.* Sacramentum, in ea significazione, quā noster uſus, sed in contraria. *Vbiq[ue] enim significat, non signum rei sacrae, sed rem sacram, secretam & abditam.* Quām idem postea in aliis libris nomen Sacramenti in hac significatione mordicus defendat contra *Carostadium & Zwinglium.*

Denique communī usu Ecclesiæ, Patrum & omnium posteriorum Doctorum, nomen Sacramenti specialiter accommodatum est ad illa signa sacra, quæ simul sunt sacrantia seu sanctificantia, sive ad signa rei sacrae quæ sanctificantis. Et hoc modo Baptismum & Confirmationem sacramenta vocat *Cyprianus Ep. 4. l. 2. Epist. 1.* quæ est ad Stephanum dicens: Tunc enim denum plenū (alias plenē) sanctificari & esse filii Dei posunt, si sacramento utroque na- cantur. Vide euīdem l. 2. Ep. 3. ad Ceciliū, ubi de Sacramento Eucharistie. Et l. 4. Ep. 7. ad *Magnum*, ubi de Baptismi sacramento fa- lutari est sermo. Similiter Ecclesiæ Sacra- menta hoc nomine appellat *Tertullianus, La- stantius, Hilarius, Hieronymus, Augustinus*, quos citat *Bellarus l. 1. de Sacram. c. 7.* Proinde non novum, sed vetustissimum est in Ecclesia Dei nomen Sacramenti in sensu præfato; adeo ut in Latina Ecclesia omnes lingue

*Hieronim. Sum. Theol. Pars IV.*

K 2

vul-

## 112 Disp. I. De Definitione Sacramenti & Differentia Sacram.

*Sic hoc nomen usurpare, immo instituere licuit Ecclesia.*

*Et congruit huic acceptationi Etymologia.*

vulgares hoc nomen retinuerint, ut Italica Gallica, Hispanica, Germanica, Flandrica &c. Licetque indubie Ecclesiae hujusmodi nomen tali sensu usurpare, aut etiam instituere, quantumvis in Scripturis non habetur; uti nomina Trinitatis, Personae, consubstantialis &c. quae non sunt in Scripturis expressa, Ecclesia meritò usurpat ad explicandas fidei veritates in Scriptura contentas. Denique congruit postremè significationis ipsa nominis Etymologia: Sacramentum enim aptè deducitur à sacrando, ut significetur illud quod sacrat seu sanctificat, sicut medicamentum dicitur id quod medetur, & documentum id quod docet. Ea vero Symbola extēra seu ceremonias sacras, quas Ecclesia Catholica hoc sensu Sacramenta appellat, veluti instrumenta gratiæ verè hominem Deo consecrare seu ipsum sanctificare suo loco patebit ex Scriptura & aliis auctoritatibus.

### Q U A E S T I O II.

#### De Definitione Sacramenti.

##### S. I.

#### Definitiones Lutheranorum & Calvinistarum proponuntur & refutantur.

*Lutherana*  
*Sacramenti*  
*descrip.* **L**UTHERUS cum suis vult Sacramentum nil aliud esse, quam Testimonium divinum ad excitandam vel nutriendam fidem institutum, quod instar miraculi confirmet & instar sigilli obsignet promissionem gratiæ, contentam scilicet in verbo Dei, qua velut generalis per Sacramentum applicetur seu obsignetur singulis, qui eo cum fide utuntur. Unde Lutherus confert Sacramentum cum vellere Gedeonis & cum iride quam Noë in signum accepit. Vultque Kemnitius promissionem praefatam debere esse de remissione peccatorum; non quod Sacramentum illam causet, sed quod juxta promissionem divinam esse Petro v.g. qui baptizatur factam remissionem peccatorum, Deus testetur per ablutionem, seu baptismum, qui consequenter sit velut sigillum affixum diplomati seu verbo Dei promittentis remissionem peccatorum, idemque diploma seu verbum confirmans.

*Calvinista ex Calvinlo. 4. Instit. c. 14. §. 1.* Sacramentum definiunt Symbolum externum, quo Deus benevolentia erga nos suæ promissiones conscientiis nostris obsignat ad sustentandam fidem nostræ imbecillitatem. Loquuntur autem hi de promissione gratiæ prædestinationis, adeoque volunt hujus divinae benevolentiae & electionis testeram esse Sacramentum, ipsumque non justificare instar causæ instrumentariæ, sed solum valere ad hoc objectivè excitando fidem.

6. Verum utraque Definitio est inepta, ut-

pote ex mente definitiū exclusiva à Sacramentis novæ Legis vim justificandi; quā solle<sup>trahit</sup> tamen Scriptura & recta fides iis adscribit: dicitur enim v.g. Baptismus in Scriptura absuere peccata, mundare, regenerare &c. De quo postea. Deinde non possunt Sacramenta parvulis seu eorum conscientiis obsignare promissiones Dei, eorumque fidem excitare (quidquid Lutherus deliraverit illos, dum baptizantur, habere usum rationis) qui tamē recte & utiliter baptizantur & à peccato mundantur. Tertiò falsissimum est Deum v.g. per ablutionem baptismalem testari in particulari ei qui baptizatur, sive quod ei remiserit peccata, sive quod eum ab æterno prædestinaverit: neque enim de justificatione aut salute quisquam est certus vi Sacramenti. Neque ullibet talis promissio aut testificatio est scripta vel tradita: sed illa solum, quā promittitur cuivis gratia sanctificans vi Sacramenti, si sit ritè dispositus, & vita æterna, si usque in eum in gratiā perseveraverit. Sanè etiam Judas, aliivè reprobi, aut etiam indispositi suscipiunt Sacramentum: & tamē eis non fit testificatio divina, qualem sive Lutherani sive Calvinistæ singunt; quæ utique falsa foret. Denique (ut plura præterea) Sacramenta potius à verbo Dei ac in eo contentis divinis promissionibus accipiunt testimonium, quod sint res sacræ & sanctificatiæ, quām è contra ipsa præbeant attestacionem verbo Dei divinisque promissis; ut proinde potius verbum Dei sit sigillum Sacramenti, quām è contraria. Nam uti sigillum etiam sine diplomate vim suam habet & agnoscitur, diploma non sine sigillo; sic verbum Dei sine Sacramento suam eamque summam auctoritatem habet, Sacramentum vero sine verbi testimonio nullam. Neque enim ex lotione baptismali quis fidem incipiet habere verbo Dei, sed ex hoc dicit fidem habere virtuti & efficaciæ lotionis. Quæ vero verbum Dei confirmant, & faciunt tamquam tale agnoscendi quod per prædicatores proponitur, sunt consequientia signa seu miracula per quæ, & non per Sacramenta (quæ etiam nil speciale habent ad objectivè excitandam fidem; quod longè excelleret non habeat concio) sermonem suum Dominus confirmavit.

Nihilominus ade recta supposita de Sacramentorum institutione & fructu sunt ea dem nobis signa divinæ erga nos benevolentiae, quā dignatus est nobis de tam salutibus salutis remediis providere; & per gratias, quas conferunt, excitant in nobis laetitia, fiduciam christianam de justificatione & salute; præsegitum sanctissimæ Eucharistiæ Sacramentum, quod futura gloriæ pignus seu arrha vocatur. Baptismus quoque dicitur sacramentum fidei, & obsignatio fidei, quatenus scilicet est professio fidei Christianæ, & janua quā quis in Ecclesiam seu cœtum Christianorum

rum admittitur. Eatenus quoque publicè & exterius, & per characterem interius homo secernitur a non baptizatis. Et sic etiam sano sensu sigillum quoddam dici potest. Vide Bellarum in Praefat. & l. i. De Sacram. t. 14. & seqq. ubi fuscè errores Sectariorum circa definitionem Sacramenti refutat.

§. II.

Definitio Sacramenti latè sumpti.

**E**xclusis Hæreticorum definitionibus, Theologi antiquiores Sacramentum definiunt *Signum rei sacrae*. Quæ definitio ut bona & adæquata sit, debent multa subintelligi, scilicet ut sensus sit, quod sit signum sensibile divinitus institutum prædicum rei sacrae hominem sacramantis.

A Recentioribus quoque Sacramentum latè sumptum, prout est commune ad antiqua & nova, variè describitur. Inter ceteras autem definitiones videtur hæc satiè commoda (quæ in re est communis Doctorum) *Est signum sensibile gratia divinitus institutum, hominemque suo usu sanctificans vel (quod coincidit) ceremonia sacra significans gratiam, à Deo instituta, ut usu suo hominem sanctificet*. Dicitur *signum gratiae*, scilicet sanctificantis: nam hanc non solum Sacraenta novæ legis, sed & veteræ significabant, ut ex Florentino in Decreto de Aenamis, & Patribus; communique consensu constat. Quarè cùm hic describatur Sacramentum secundum rationem quatenus communè veteribus & novis, rectè additur *ly gratiae*. Ideoquæ magis probanda est hæc descriptio, quam illa quâ definitur simpliciter, *Signum practicum sanctitatis aliquis frē internæ frē externæ*. Ubi præterea desideratur particula *divinitus institutum*: cùm alioquin etiam pænes Ecclesiam sit potestas instituendi signa practica cujusdam sanctitatis externæ seu legalis, ut patet in sacramentalibus. Dicitur *hominem suo usu sanctificans*, intellige, sive exteriùs, ut vetera, sive interius, & nova.

Non rectè autem Lugo d. 1. sct. 2. n. 23. adit, omne Sacramentum etiam causare gratiam veram, quasi etiam Vetera sacramenta fuerint causa gratiae, non quidem illa fuscipienti, sed nova suscepitur: cùd quod novorum Sacramentorum, adeoque gratiae per illa dandæ erant promissiones, promissio autem sit causa moralis rei promissæ. Non rectè (inquam) id addit, prout fuscè contra arguit Diestillo d. 1. dubit. 2. Nam sic v. g. præteritus ante millenos annos esus agnietiam nunc esset causa moralis gratiae, quæ datur in Sacramentis novæ Legis. Deinde promissio ut sit causa moralis effectus, debet etiam illum præcedere, & non præsupponere; vetera autem Sacraenta præsupponere; Herinck Sum. Theol. Pars IV.

nebant Christum venturum & gratiam ipsam dandam, uti umbra corporis præluponit corpus. Nec tam erant promissiones (etsi non malè sic vocentur, sed sensu congruo) quād earumdem Patribus jam factarum signa & monumenta; immo ipsæ promissiones atribus factæ Christum tamquam datorem omnis gratiae præsupponebant.

Potissimum quod posset objici huic definitioni est, quod per illam non salvetur univocatio Sacramentorum veterum & novorum, ex eo quod sanctificatio interna & externa non convenient univocè in ratione sanctificationis, uti nec utraque sanctitas correspondens in ratione communi sanctitatis. Sed si salvari non posset univocatio, quid inde? Ubi enim scriptum est, omnia Sacraenta esse univocè talia? Quod ad rem attinet, multi Doctores univocationem non admittunt, nisi inter Sacraenta novæ Legis, & illa antiqua, quæ conferbant seu causabant quoque gratiam sanctificationis, si quæ talia fuerint; prout fuisse circumcisionem & remedium Legis naturæ, patet quæst. 4. Cetera autem sunt univocè cum novis signa sanctitatis non tantum in ratione causæ sanctitatis; cùm nec signi, sed ipsa sanctitas per illa causata sit univocè sanctitas, sed tantum figura sanctitatis, sicut homo pictus est homo.

Dices I. cum Coninck q. 60. a. 4. dub. 2. & quibusdam aliis: sicut Sacraenta nostra caufant sanctitatem veram, sic vetera caufabant umbraticam; ergo sunt univocè causa. Resp. Dist. Seq. sunt univocè causa in generali, Conc. univocè causa sanctitatis, Neg. Seq. Nam ad hoc deberet esse univocatio in ipsis sanctitatibus causatis. Sicut videns risum hominis & videns risum prati sunt univocè videntes ut sic, non tamen quantum videntes risum. Et sicut pictor & generans verè convenient in ratione operantis, non tamen in ratione producentis hominem, cùd quod hic pictum, is vivum producat, qui non fuisse univocè homo. Non enim est univocatio, nisi quatenus est convenientia; hæc autem requirit convenientiam ipsarum rerum.

Dices II. cum Lugo etiam ipsa sanctitas vera & umbratica convenient in conceptu communi sanctitatis; puta, forma Deo consecrativa. Resp. in ipsa ratione consecrati (quod est terminus synonimus) esse similem æquivocationem, ut arguit Diestillo d. 1. dubit. 3. & Arriaga d. 1. sct. 7. n. 65. Nil enim commune habet consecratio veterum Sacramentorum cum consecratione novorum, nisi quod ista hanc significaverint, scilicet filiationem Dei &c. quæ ratio signi non sufficit ad univocationem. Deinde sanctitas determinat significat sanctitatem veram, sicut homo hominem vivum, & utrumque cum determinatione

10.

Conveniens  
in ratione  
men univocè  
causæ sanctitatis; cùm nec signi, sed  
ipsa sanctitas per illa causata sit univocè sanctitas, sed tantum figura sanctitatis, sicut  
homo pictus est homo.

II.  
Quod solu-  
tione objec-  
tionis con-  
firmatur.

12.  
Dissolvitur  
altera ob-  
jectione.

## 114 Disp. I. De Definitione Sacramenti & Differentia Sacram.

quadam alienante sanctitatem umbraticam  
sive hominem pictum. Alioquin pari  
dici poterit homo vivus & homo pictus es-  
se univocè homo, canis terrestris & mari-  
nus esse univocè canis; concipiendo seu fin-  
gendo, quod ly homo significet conceptum  
communem, scilicet sensibile coloratum  
certa figura & proportione praeditum, ly  
canis substantiam corpoream praeditam fi-  
gurâ utique converente.

Dices III. cum *Arriaga*: Sacra-  
menta vetera & nova convenient univocè in ra-  
tione pignoris gratiæ: propria autem no-  
tio Sacramenti consistit in hoc, quod sit ce-  
notio sacramenta, remonia sacra sensibilis, stabilis, in pignus gratiæ  
instituta, proat ipsum definit *Arriaga* disp. I.  
sect. 5. Quarè non requirit, ut Sacra-  
mentum sit causa moralis gratiæ (quod asseren-  
tem *Lugo* refutat n. 46. & seqq.) sed merum  
pignus gratiæ promissæ; pignus autem præ-  
supponit rem promissam, daturque in assec-  
curationem. Sacramentum itaque (ut habet  
n. 43.) est quasi quædam Dei loqua, quæ  
nobis exterius promittit dare gratiam, seu  
est quasi pignus, quo se ipsum obligat ad  
eam conferendam, vel statim quando exer-  
cetur, ut contingit in nostris, vel post ali-  
quod tempus, ut contingebat in antiquis,  
per quæ promittebatur gratia hoc tempore  
danda per Sacra-menta novæ Legis. Ita hic  
Auctor, in quem serius incidi; qui quidem  
videtur professionem fecisse impugnandi  
aliorum sententias, an potius, quæm stabi-  
liendi suas, alii judicent. Quare fusissime  
per integrum serè Disputationem primam  
occupatur refutandis aliorum definitionib-  
us & explicationibus; quarum tamen  
nonnullæ vel solum sunt datae pro Sacra-  
mentis strictè dictis, qualia sunt nova, vel  
facile recto sensu explicari possunt. Ipse au-  
tem novam definitionem astruens ceteris  
refutatis, id quod potissimum erat, non satis  
ostendisse videtur, præcipuum nempe con-  
ceptum Sacramenti consistere in ratione  
pignoris. Itaque

14. *Quod re-  
probatur.*  
Resp. Definitionem estam displicere ob-  
suam novitatem; cum haec tenus ratio Sacra-  
menti putata fuerit consistere in ratione,  
tum signi, tum causæ sanctitatis. Estque potius  
neganda univocatio veterum & novo-  
rum Sacramentorum, quæm communis  
& adeò recepta ratio Sacramenti. Deinde  
insolens est locutio in Ecclesia, ut v. g. Eu-  
charistia (idem est de aliis Sacramentis no-  
væ Legis) dicatur pignus gratiæ; sed potius  
dicitur ipsa pignus futuræ gloriæ. Et me-  
tio cum pignus propriè detur creditori ad  
securitatem seu in securitate solutionis assec-  
curationem; nec locum habeat, quando ip-  
so facto sit solutio, immo per illud ipsum,  
quod pignus dici contendit: prout in ipsa  
fusceptione Sacramentorum novæ Legis,  
immo per ipsam Sacra-menta confertur &  
donatur gratia promissa: quæ proinde non

tam sunt pignora, quæm vasa seu instrumen-  
ta significantia gratiam quam continent, ut  
Catholici loquuntur. Infuper quod attinet  
ad vetera Sacra-menta, hæc non desinerent  
esse talia, hoc ipso quod sunt signa sacra gratiæ  
hominem ex divina institutione sancti-  
ficantia, quantumvis decesset illis prætena  
ratio pignoris. Nec potest merito veri in  
dubium, quin (quod habet communis &  
fundatus conceptus) circumcisio quatenus  
parvulis Judæorū confrebat in præsen-  
tia originalis remissiæ (prout ipsam  
coptulisse fateretur etiam *Arriaga*) fuerit ve-  
rum Sacra-mentum; & tamen ipsam non  
fuisse pignus gratiæ istius præsens, sed  
tantum futuræ in nova Legi, supponit idem  
*Arriaga* sup. n. 57. & seqq. Denique minus aperte  
Sacramentis Mosaicis videtur congruere  
ratio pignoris, sed potius figura futuræ gratiæ,  
& signi præteriti scederis: tum quia  
pignus dari solet provisionaliter illis ad  
quos aliquam pertinet ipsum principale  
quod solvendum est; gratia autem confe-  
renda per novæ Legis Sacra-menta non per-  
tinebat ad veteres Prophetas & Israélitas,  
sed ad Christianos. Tum quia pignus solet  
habere, valorem quodammodo proporcio-  
natum & notum accipientibus ipsum pig-  
nus, ut inde assecurentur de futuro; umbras  
autem istæ legales nil magni præter meram  
significationem continebant aut valebant.  
Secùs quæm Eucharistia, quæ nobis est pig-  
nus futuræ gloriæ, quatenus inde assecu-  
ratur de illa, dum etiam in hoc exilio Christus  
semel ipsum nobis in cibum & potum  
exhibit.

Sed instabis: statuendo Sacra-mentum  
ut sic esse pignus gratiæ optimè patet, quod  
Sacra-menta, etiam qualia erant antiqua, à  
solo Deo principaliter institui potuerint;  
cum ramen possit etiam per homines v. g.  
Ecclesiæ institui signa gratiæ sanctifi-  
cantis legaliter seu externè. Resp. quod ex gratiæ  
communi conceptu & usu vox Sacra-mentum  
significet sola hujusmodi signa instituta à  
Deo, cuius uti est instituere Synagogam &  
Ecclesiæ, sic & communia Symbola; que  
Sacra-menta vocentur, quidquid sit de co-  
munitate homines possint instituere signa de cetero  
similia. Deinde adhuc id non possent ho-  
mines, instituere scilicet signa infallibiliter  
promissiva vel collativa gratiæ sanctifi-  
cantis, sive signa infallibilia gratiæ per ipsum  
instituentem donandæ in præsenti aut fu-  
to; qualia sunt & esse intelliguntur Sacra-  
menta à Deo instituta. Quævis homines  
possint signum sensibile instituere specula-  
tivè significantia essentiam gratiæ v. g. vo-  
cem gratia, ut voces significantes Deum,  
Trinitatem, chimeram &c. & similiter  
possunt sanctitatem quædam externam  
legali similem (non tamen illam ipsum,  
quam Deus in sua lege determinaverat) per  
aliqua Symbola conferre.

Insta-

16. Instabis iterum: Non satis excluduntur à ratione Sacramenti sacrificia vetera; quæ omnia alioquin forent dicenda Sacra menta. Item ceremonia multæ, vobis probabiliter (ut censet *Arriaga d. 1. Iecl. 2. insine*) à Christo post resurrectionem per se immediate instituta, & Apostolis traditæ, ac perpetuò in Ecclesia servatae, forent alioquin Sacra menta. Resp. nos Sacra menta vetera aequæ faci le excludere, quam excludat *Arriaga*; quod scilicet quæ sacrificia non sint instituta in signa gratiæ, sed præcisè ad protestandum ex parte nostra supremum Dei dominium. Deinde non omnia conferebant sanctitatem legalem. Quæ verò illam conferebant (est illam contulissent omnia) dicantur mere & concomitantē lūsse Sacra menta; quod inde inconveniens sequitur? Quod autem ad dit *Arriaga* de ceremoniis per Christum im mediate instituti, est nova & mera conjectura, habens hoc etiam inconveniens, quod non forent illæ mutabiles per Ecclesiæ: cum tamen præter ea quæ ad substantiam Sacramentorum spectant, cetera sublīt dispositioni Ecclesiæ, juxta communissimam Doctrinam, quæ colligitur ex *Trid. sej. 2. 1.* 6.2. Unde Christus per se illas non instituit, sed de instituendis per Ecclesiæ Apostolos instruxit. Quod si verè tales ipsi instituissent, quæ & forent signa divina gratiæ habitualis, & sanctificarent quodammodo, consequenter forent Sacra menta; sed non st̄cte dicta seu causativa gratiæ, qualia sunt solū septem in nova Lege juxta fidem.

## §. III.

## Definitio Sacramenti strictè dicti.

17. SACRAMENTUM strictè dictum nō est aliud, quam Sacramentum collativum gratiæ sanctificantis. Quod quidem diversimode definiri solet; videlicet *Signum sensibile gratiæ ad nostram sanctificationem* (sub intellige, efficiendam) *divinum institutum*. Vel (ut definit *Catechismus Romanus Tit. de Sacram. in genere*) *Res sensibiles subiecta, quæ ex Dei institutione sanctitatis & iustitiae, tum significanda, tum efficiende vim habet*. Quæ definitiones etiam possent accommodari Sacramentis latè dictis, sanctitatem scilicet & sanctificationem sumendo generatibus. Alter & satis clarè definiri potest: *Signum sensibile institutum à Deo ad conferendum infallibiliter ex opere operato gratiam sanctificantem homini suscipienti non indisposito*. Ita serè *Poncii dist. 41. q. 1. n. 3.*

18. Denique *Scotus 4. d. 1. q. 2. n. 9.* aliam as signat definitionem, in qua magis explicatur effectus, finis & subiectum Sacramenti; nempe, *Signum sensibile gratiam vel effectum Dei gratuitum ex institutione divina efficaciter significans, ordinatum ad salutem hominis viatoris*, quæ definitione explicata; ceteræ quoque

sufficienter declaratae manebunt.

19. Dicitur *signum sensibile*. Sufficit autem, ut *Qualiter* *absolutè secundum aliquid sit per se sensibile*, & per illud ipsum reliqua fiant quodammodo sensibilia. Unde quædam partes aliquorum Sacramentorum, non sunt per se & immediate sensibiles; ut contrito, quæ est pars Sacra menta poenitentia, & prodit per extermam confessionem. Et confessus mutuus, qui est pars Sacra menta matrimonii, & prodit per signum consensus expressivum. Sic denique in Eucharistia corpus Christi sit sensibile per species & verba.

Ceterum eti⁹ Deus absolutè potuisset instituere sensibilia & mere spiritualia gratiæ signa (quæ non forent Sacra menta juxta præsentem accepti onem, sive ejusdem rationis cum præsentibus, eti⁹ juxta aliam vocis institutionem aut accepti onem Sacra menta dici possent) congruenter tamen pro hominibus sensibili bus sensibilia instituit: nam (ut pulchrè ait *Chrysost. Hom. 83. in Matth.*) *Si in incorporeus esses, nuda ipsa dona traxidisset tibi: quoniam verò corpori conjuncta est anima tua, in sensibilibus intelligenda tibi traduntur*. Deinde non nisi per signa sensibilia possunt homines congregari & uniri in unum corpus Ecclesiæ visibilis, ac ab aliis discerni; ut rectè *Ang. 1. 19. contra Fanum c. 11. & alibi*. Denique si intelligibili tantum media salutis nobis suissent data, non potuissent per homines applicari, & consequenter non suisset subordinatio inter homines quoad participationem mediiorum salutis, ex qua tamen subordinatione multum sovetur humilitas & charitas inter membra ejusdem corporis Ecclesiæ, dum videlicet pastores, aliaque Ecclesiasticae personæ exercent officium charitatis ad ministrando, & subditi humilitatis petendo. Plures congruentiæ videri possunt in *Catechismo Romano*, & apud alios.

20. Additur in definitione *gratiæ*, intellige habitualem seu sanctificantem. Secundariò tamen & nr̄m principaliter posset etiam comprehendti gratia actualis, quam Sacra menta ultra habitualem quoque conservent; ut postea patet.

Dicitur infuper, *veleffictum Dei gratuitum*, intellige, accumulati⁹, q. d. vel etiam effectum gratuitum, cumque non quemlibet, sed talēm, qui eti⁹ secundum se non sit gratia actualis vel habitualis, confertur tamen à Deo ad gratiam suscipienti vel alteri conciliandam; prout est character sacramentalis. Similiter Sacra mentum Eucharistiæ cùm sit aliquid permanens, non significat proximè & primariò gratiam, quæ tantum in illius usu seu sumptione confertur; sed corpus & sanguinem Christi: quæ tamen possunt quoque intelligi nomine gratiæ, non quidem accidentalis, sed substantialis.

## 116 Disp. I. De Definitione Sacramenti & Differentia Sacram.

21.

*Sacramenta sunt signa ex instituto.* Additur ex institutione divina: Sacra-  
menta enim sunt signa divinitus tradita, non hu-  
manitus inventa, neque etiam sunt signa  
naturalia: cum nihil sensibile possit ex na-  
tura rei esse signum efficax gratiae: quæ  
enim est ex natura rei connexio aquæ aut  
verborum seu vocum ad gratiam sanctifican-  
tem? Quamvis Sacra-menta habeant de  
facto appositam quandam proportionem  
ad significandos effectus sacramentales. Sic  
ablutio sive baptizatio corporalis apta est ad  
significandum ablutionem animæ in Sacra-  
mento baptismi; species panis & vini ad  
significandum spirituale alimentum animæ  
in Eucharistia &c. Et hoc putat Suarez disp.

*Habent ta-  
men quam-  
dam ap-  
positam pro-  
portionem  
cum signis-  
catis suis.*

*Explicitatur locus Augu-  
stini.* intendere Augustinum Ep. 23. ad Bonifacium ubi ait: *Sacra-menta quandam similitudinem habent earum rerum, quarum sunt Sa-  
cra-menta; quam si non haberent, omnino Sa-  
cra-menta nos essent. Quod ut subsistat, intelligi  
consequenter deberet, de congruo, quia ni-  
mirum congrue non instituerit Christus Sacra-  
menta, nisi simul aliquam antecedentem  
proportionem haberent; sine qua pro-  
inde Sacra-menta non essent, utpote alias  
non instituenda. Alioquin intelligi deberet  
Augustinus (ut eum explicat Coninc. q. 60. a.  
2. dub. 2. & revera aptius explicatur) de  
similitudine consequenti; quia nimurum per  
institutionem (quæ absque alia prævia si-  
militudine sufficit) recipiunt vim repre-  
sentandi, quæ deficiente signa atque adeo  
Sacra-menta non essent.*

22.  
*Sunt signa  
practica.*

*Postrema  
particula  
denotat fi-  
nem Sacra-  
mentorum  
& subiectum.*

23.  
*Excluditur  
Martyrium  
à ratione  
Sacramenti;*

*Sacrificium  
nova Legis*

Additur ex institutione divina: Sacra-  
menta enim sunt signa divinitus tradita, non hu-  
manitus inventa, neque etiam sunt signa  
naturalia: cum nihil sensibile possit ex na-  
tura rei esse signum efficax gratiae: quæ  
enim est ex natura rei connexio aquæ aut  
verborum seu vocum ad gratiam sanctifican-  
tem? Quamvis Sacra-menta habeant de  
facto appositam quandam proportionem  
ad significandos effectus sacramentales. Sic  
ablutio sive baptizatio corporalis apta est ad  
significandum ablutionem animæ in Sacra-  
mento baptismi; species panis & vini ad  
significandum spirituale alimentum animæ  
in Eucharistia &c. Et hoc putat Suarez disp.

1. scil. 3. intendere Augustinum Ep. 23. ad Bonifacium ubi ait: *Sacra-menta quandam similitudinem habent earum rerum, quarum sunt Sa-  
cra-menta; quam si non haberent, omnino Sa-  
cra-menta nos essent. Quod ut subsistat, intelligi  
consequenter deberet, de congruo, quia ni-*

*mimirum congrue non instituerit Christus Sacra-  
menta, nisi simul aliquam antecedentem  
proportionem haberent; sine qua pro-  
inde Sacra-menta non essent, utpote alias  
non instituenda. Alioquin intelligi deberet  
Augustinus (ut eum explicat Coninc. q. 60. a.  
2. dub. 2. & revera aptius explicatur) de  
similitudine consequenti; quia nimurum per  
institutionem (quæ absque alia prævia si-  
militudine sufficit) recipiunt vim repre-  
sentandi, quæ deficiente signa atque adeo  
Sacra-menta non essent.*

Dicitur etiam efficiens significans, quo in-  
dicatur Sacra-mentum esse signum practi-  
cum, quod non solum significat, sed etiam  
significando causat suum significatum, id-  
que ex opere operato, ut loquuntur omnes  
Theologi, sive ex vi signi extrinseci citra  
meritum operantis. Unde Baptismus v. g.  
etiam malo fine collatus confert gratiam,  
tum adultis, tum parvulis; utique vi suâ,  
& non ex opere aut merito operantis. Per  
hoc proinde excluduntur à Definitione o-  
pera meritoria.

Denique dicitur ordinatum ad salutem ho-  
minis viatoris, ut significetur tum finis, tum  
subjectum seu quinam sint capaces Sacra-  
mentorum; ii nimurum, qui necrum in  
termino constituti possunt gratiam acci-  
pere, acceptam augere, vel perditam recu-  
perare.

A definitione Sacra-menti primò ex-  
cludit martyrium; quod licet gratiam pra-  
dictè significet, tamen inferri vetitum est:  
Sacra-mentum autem debet esse signum a  
Deo in illum finem institutum, sive jussum  
conferri, ut sanctitatem causet. Quare defi-  
nitio loquitur de institutione seu volun-  
tate, quæ Deus ordinavit signum simul cum  
ipso usu; qualiter non ordinavit usum seu  
actionem martyrii.

Secundò solet excludi sacrificium, scili-  
cet sumptum sub formalis ratione sacrificii,

nam quatenus tale non est institutum ad significationem aut conferendam sanctitatem, sed ut sic tantum ordinatur ad significationem divinam excellentiam & nostram submissionem per immutationem hostie sive cultura qui Deo in sacrificio exhibetur. Quamvis in sacrificio possit materialiter simul concurre ratio Sacra-menti; ut videtur est in sacrificio nova Legis, cuius hostia est verum Sacra-mentum sive sumptus nos sanctificare. In modo non sola hostia seu victimæ, sed ipsum quoque sacrificium novæ Legis videtur concomitante posse dici Sacra-mentum; transiens scilicet, & completere idem cum Eucharistia: nam consecratio significat practicè corpus & sanguinem Christi, & remota saltet gratiam sanctificantem. Addunt Aliqui etiam sumptionem hostie (quæ fit à sacerdote, & est pars, sive essentialis, sive saltet integralis sacrificii) significare practicè & immediate gratiam. Alii tamen censem esse meram applicationem cause sanctificantis. Quidquid dicatur (de quo postea) manet hoc saltet, quod censeatur idem Sacra-mentum cum hostia que sumitur.

Tertiò excluditur lotio pedum: et si enim latè loquendo à Cypriano, Ambrofio & Bernardo vocetur Sacra-mentum: in rigore tamen non est, utpote non instituta à Christo ad sanctificandum ex opere operato; sed partim ad præbendum humilitatis exemplum, in similibus occasionibus à discipulis imitan-  
tandum, adhibita, per quam ex opere ope-  
rantis conducentur potest ad purgationem ve-  
nialium peccatorum: partim etiam adhibita ad designandum, quantâ anitri puritate ad Sacra-mentum Eucharistiae oporteat accede-  
re. Quod autem Christus Joan. 13. dixit Pe-  
tro: *Si non lavero te, non habebis partem Meum;* solum indicat mandatum ad voluntatem Christi, nolentis alioquin Petrum ad com-  
municationem sui corporis aut etiam regni adiungere: non quod humilis Petri recula-  
tio præcedens meruisse tantam poenam, sed pertinax contra voluntatem Christi re-  
luctatio meruisse illam, si perficiisset.

Quartò excluduntur sacramentalia &  
ceremonia Ecclesiastica; tum quia sunt ab Ecclesia, non à Deo immediate instituta, à tur Sanc-  
tissima Sacra-menta institui debent: tum  
quia non conferunt gratiam ex opere ope-  
rato. Quamvis prima tonsura, benedictio  
Abbatis, absolutione à censura, & similia sa-  
cramentalia conferre videantur sanctitatem  
aliquam externam & velut legalem, quæ  
statui Sacra-mentorum novæ Legis non est  
proportionata. Usus etiam aquæ benedictæ  
per se non operatur remissionem venialium  
peccatorum ex opere operato; prout nec  
ad illum effectum ordinatur, ut ex ejus be-  
nedictione potest intelligi: sed propter Ec-  
clesiæ preces, quæ adhibentur, valet in pri-  
mis ad compressionem dæmonum & tem-  
pora-

### Quæst. III. De Sacram. quæ fuerunt ante statum Legis novæ. 117

poralia beneficia impetranda. Similiter potest in uteribus per modum impetratio- nis caufare aliquos pios motus, & his me- diantibus venialia delere.

Denique excludunt Vario signa quædam sensibilia, quibus Christus subire uetus est ad conferendam gratiam, sed non stabiliter instituit pro communitate seu Ecclesiâ suâ: ut quando dixit paralytico *Math. 9.* & Mag- dalene *Luce.* Remittuntur tibi peccata tua, Et quando mediante statu seu insufflatione contulit Apostolis Spiritum sanctum *Ioan.* 20. Sed hoc pertinet ad meram quæstionem de nomine Sacramenti; quod omnino ita posset accipi, ut etiam similia signa comprehendenter, quæ quāvis non stabilia, dici possent Sacraenta. Prout etiam vocaretur & esset verum sacrificium, et si non stabili- ter, immo et si pro una tantum vice foret à Deo institutum. Verum quia communius videtur exigi quædam stabilitas in proprii nominis Sacramentis, exigatur, & loqua- mur ut multi.

Quod equidem ad exempla præfata atti- net, videntur verba Christi *Luce.* 7. non tam fuisse remissiva peccati, quām declarativa remissionis jam factæ, ut ex antecedentibus patet. Idemque dici posset de iisdem verbis dictis paralytico. Quia tamen de hoc non constat, quod ei prius fuerint peccata re- missa, conjectant alii, signanter *Dicasillo* *disp. 1. n. 322.* illa fuisse remissiva practicæ peccatorum; adeoque posse dici Sacra- mentum. Sed conjecturam istam non ausim as- fertivè defendere; cum minus credibile vi- deatur paralyticum dumtaxat fuisse attri- tum, & per ista verba vélut Sacramentum mortuorum accepisse gratiam remissionis peccatorum. Textus quoque græcus habet: *Remissa sunt tibi peccata tua;* quod potius ñg- nificat declarationem remissionis interioris per Christum jam factæ.

De insufflatione autem potiori jure dici posset fuisse sacramentum; cum per illud signum fuerint Apostoli facti complete sa- cerdotes, scilicet quoad potestatem absol- vendi à peccatis. Quod autem de facto Ec- clesia non utatur insufflatione parum refert: cum hoc sit vélut materiale, & loco illius utatur impositione manuum; sicut in mate- ria & forma Ordinum similes variatio seu differentia in Ecclesia Latina & Græca ali- bi notabitur. Quemadmodum etiam et si A- postoli per solam impositionem manuum dispensativè ex voluntate Christi contulerint Confirmationem sine crismate, recte tamq[ue] asseritur istam ceremoniam fuisse sacramentum.

Potes, An formalis ratio Sacramenti sit ens rationis? Resp. sic loqui Plurimos, etiam ipsum *Scotum*, qui generaliter idem dicunt de ratione signi ex instituto ut sic, cuius species est sacramentum: attendunt enim nostrum modum concipiendi, quo solemus

tale signum concipere instar cuiusdam res- pectus, qui indubie non potest esse realis. Nihilominus considerando rem ipsam, Sa- cramentum, uti & alia signa ex instituto, pro materiali quidem est ens reale sensibile; quāvis aggregatum per accidens, habens effectum præstantissimum: pro formaliter vero est ens quoddam morale, seu denominatio extrinseca realis desumpta à voluntate in- stituentis, quæ res istas sensibiles denominat mediante institutione in iis moraliter per- severante; idque citra ullam fictionem, quæ ex nullo capite apparet esse necessaria. Nec *Scotus* umquam contrarium voluit, ut nec fortè plures alii Doctores.

### Q U A E S T I O III.

#### De Sacramentis quæ fuerunt ante statum Legis novæ.

**D**ico I. In statu Innocentiae qui dura- vit à creatione Adami usque ad lapsum ejusdem, nullum fuit Sacramentum. Ita *in statu innocentiae de facto nulla fuit sacramentum.*

*D. Thomas q. 61. a. 2. Scotus d. 1. q. 3. n. 7. & alii* communiter. Probatur: quia de nullo Sa- cramento constat ex aliquo fundamento, nec fuit ullius necessitas, immo nec opere pretium pro tantillo tempore quo duravit, immo ipsum matrimonium Adami & Hevae (de quo maximè dubitari potuisset) non fuisse Sacramentum constat satis ex sensu Ecclesiæ: quāvis ab Apostolo *ad Ephes. 5.* sic vocetur, largè sumpto vocabulo Sacra- menti; quia videlicet erat mysterium figu- rativum Incarnationis Christi, seu conjunc- tionis Christi cum Ecclesia.

Utrum autem futura fuissent Sacra- mента sive gratiæ sanctificantis, sive solius sanctita- tis externæ collativa, si status innocentiae *in statu* perleverasset, disputant varii Auctores fu- sius, quam res tam incerta pendens à solo Dei beneplacito nobis ignoto mercatur. Et quidem satis constat futuras fuisse oblatio- nes, sacrificia, similisque ceremonias ad di- vinum cultum pertinentes; hi enim actus fundantur in ipsa præcisè hominis natura; quæ cum pro parte saltē sit corporea & sensibilis, convenientissimum etiam fuisset in illo statu cultum externum & sensibilem ab homine exhiberi. De Sacramentis au- tem, saltem gratiæ collatiuis, non fuisset par- congruentia aut necessitas pro statu isto, quæ pro statu naturæ lapsæ, respectu cujus Sacraenta sunt medicinæ infirmitatem san- nantes, eamque præcaventes, & naturam debilitatem confortantes. Aliæ nihilomi- nus congruentia adferri possent, ob quas convenienter Sacraenta, sive gratiæ san- ctingificantis non collativa, sive ex liberalitate divina etiam gratiæ collativa, tunc quoque fuissent instituta. Et maximè id con- jecture licet de Sacramento & sacrificio Eu-

## 118 Disp. I. De Definitione Sacramenti & Differentia Sacram.

Eucharistiae; ob excellentiam illius statu & charitatem Christi, si ( quod docet *Scotus* cum plurimis aliis ) Adamo non peccante Filius Dei fuisset incarnatus. Vide *Squaret* disp. 3. sect. 3. circa finem. Et *Cominic* q. 61. a. 2. n. 7. qui addit Sacramentum Ordinis, quo decuisset tam venerabiles Sacramenti ministros consecrari. Quid autem factum fuisset, si Adamo non peccante peccassent posteri, quibus consequenter opportuna fuisset Sacramenti medicina, pariter incertum est, utpote dependens à libera Dei voluntate, cuius nulla facta est revelatio.

**D i c o II.** In statu Legis naturae ( qui duravit à lapsu Adæ usque ad Legem Moysæ saicam, quoad posteros Abrahæ descendentes per Isaac & Jacob ac proselytos, quoad quod sacra- cramentum, ) fuit aliquid Sacramentum à Deo institutum in remedium peccati originalis pro parvulis. Ita *Scotus* d. 1. q. 7. & alii communiter. Conclusio supponit in isto statu fuisse aliquid remedium peccati pro parvulis. Quod probatur: tum ex communis consensu Theologorum post *Augustinum* l. 5. *Contra Julianum* c. 11. *Gregorium* 4. *Moral.* c. 2. *Bedam*, *Bernardum* & *Hugonem Victorinum*. tum etiam ex benigna & generali voluntate Dei, salvandi omnes hominum status, ut ponderat *Innocentius III. cap. Majores de Baptismo*, agens quidem de tempore Baptismi & Circumcisionis, statuens tamen rationem generalem, quæ æquè locum habet pro tempore Legis naturae: *Ab sit enim* ( inquit ) *ut universi parvuli pereant, quorum quotidie tanta multitudo moritur, quin ipsis misericors Deus, qui geminem vult perire, aliquod remedium procuraverit ad salutem.* Hoc supposito

**31.** Probatur Conclusio I. auctoritate *S. Augustini* sup. ubi ait: *Nec ramen credendum, ante fe Sacramentum, datum circumisionem famulos Dei, quandoque idem iis inerat mediatoris fides in carne venturi, nullo probatur.* *I.* *Sacramento eius optimatus fuisse parvulis suisquamvis quod illud esset, aliqui necessariæ causæ Scriptura latere voluerit.* Ex quibus verbis sat satis constat *Augustinum* loqui de aliquo signo externo; cum illud vocet Sacramentum, & conferat cum baptismo ac circumcisione. Deinde dicit Scripturam vocuisse nos latere, quodnam illud esset; quod de solo signo externo potest verificari, cum si in actu interno confisteret, pateat ex verbis *Augustini* & sensu aliorum fuisse actum fidei.

**Probatur secundò ex coquientia** *Augustini*. Quia conveniebat ut membra coetus sensibilis humano modo & per sensibile signum Deo ac veræ Religioni consecrarentur. Deinde potuissent alioquin parvuli etiam absentes, immo in utero materno adhuc existentes sanctificari, quemadmodum fides interna potuisset ad illos dirigi, & ex supposito non fuisset necessaria actio exterior exercenda circa parvulos. Quare nihil obest, quod minus peccatum originale possit auferri à parvulo in

utero matris existente tempore Legis novæ, nisi quod baptismus ei nequeat applicari. Remedium autem istud specialiter sic fuisse à Deo restrictum, ut non posset prodere, nisi parvulo præsenti, voluntariè ex cogitatione idetur. Accedit, quod non recte fuisset provisum parvulis, si fides supernaturalis, præsertim charitate formata, velut meritum saltem congruum operantis debuisset concurrere in isto tempore. Immo sic finis venialiter malus remedium irritum fecisset, ut rationem meriti destruxisset. Fides autem naturalis videtur omnino impertinens ad efficaciam hujus remedium, immo ad omne meritum. Denique circumcisio adhibita à Samaritanis ( qui erant Hæretici aut semigentiles ) proderat juxta *Augustinum* l. 1. contra *Crescon.* c. 31. Neque aliquid hic obstat.

Nihilominus variis Doctores existimant sufficisse solam fidem internam parentum, juxta aliquos *sciem naturalem*, juxta alios necessariò supernaturalem, aut etiam explicitam Mediatoris, juxta paucos insuper charitate formatam. Quibus, *Augustino* excepto, cæteri Patres suprà citati favere vindentur; signanter *Gregorius loc. cit.* dicens: *Quod apud nos valet aqua baptismatis, hoc egit apud veteres vel pro parvulis sola fides, vel pro majoribus virtus sacrificii, vel pro his, qui de stirpe Abraham prodierunt, mysterium circumcisionis.* Omisis aliorum responsionibus, dico Patres velle parvulis sufficisse solam fidem expressam in aliquo signo externo fidei protestativi; quod non in usitatè etiam fides vocatur ( scilicet exterior, seu fidei confessio, procedere solita à fide parentum ), adeoque illos fidem tam internam, quam externam opponere sacrificiis propitiatoriis, quibus exceptis aut adulti, habentes peccata actualia. Vide *Scotus* d. 1. q. 7. n. 3.

Sed dubium restat, an signum illud exterrum fuerit determinatum; an vero determinata fuisse sola fides, parvulo applicanda in aliquo signo fidei protestativi ad libitum parentum aut curatorum parvuli vel aliorum assumendo. Pro utraque parte sunt. Auctores, & incertæ conjecturæ. Verofilius tamen est, quod insinuat *Scotus* sup. & docet *Bellarminus lib. 1. de Sacram.* c. 21. Prop. 1. in fine, *Cominic* sup. n. 22. & alii, fuisse signum determinatum; et si incognitum, consistens forte ( ut ait *Scotus* ) in verbo aliquo invocandi Deum, vel offerendi parvulum Deo; idque quia *Augustinus* ( cuius auctoritas in hac questione est præcipua ) id significat, loquens de isto remedio tamquam de uno ac determinato aliquo Sacramento, quod dicit Scripturam latere voluisse; non latet autem, si fuerit aliqua ceremonia religiosa in communi ad libitum alsumenda, actus nempe quicunque fidel protestativus.

**D i c o III.** Præter Remedium contra pecca-

### Quæst. III. De Sacram. quæ fuerunt antestatum Legis nova. 119

peccatum originalis nullum fuit in statu Legis naturæ verum Sacramentum. Ita Doctores communius. Probatur: quia cum institutio Sacramentorum pendeat ex voluntate Dei, non sunt sine sufficienti auctoritate vel ratione multiplicanda quæ hic nulla est. Fuerunt quidem in illa Lege sacerdotes; sed non constat eos fuisse ordinatos, aut ritu extero à Deo instituto consecratos.

Similiter eti fortassis aliqua sacrificia istius temporis fuisse à Deo instituta (de aliqui arbitrantur de sacrificio Abrahæ Gen. 15) non constat tamen quod ex eadem institutione contulerint aliquam sanctitatem, etiam externam: adeoque videntur fuisse nera sacrificia. Nisi quod Aliqui arbitrentur, sacrificium Melchisedech fuisse simul sacramentum, ut inducere fuit typus novi sacrificii & Eucharistiae, & panem ac vinum in eo oblatæ quodammodo sanctificasse Abrahamum, cui Melchisedech illa in eibum & potum dedit, ut antiqui Patres docent. Equidem non constat sacrificium istud fuisse immediata à Deo institutum. Et hoc dato, non constat de stabilitate; et si Suarez conjectet stabilitatem fuisse institutum pro familia Melchisedech.

Denique Circumcisio fuit quidem Sacramentum pro familia Abrahæ diu ante Legem scriptam institutum; propter quod Joan. 7. dicitur esse, non ex Moysi, sed ex Paterbus. Sub Moysi fuit tamen confirmata & legi inscripta, immo sic conjuncta, ut illius esset janua ac professio; ideoque vulgo inter veteris Legis sacramenta censetur, immo subinde pro ipsa veteri Lege supponitur.

Circumcisio poterò convenienter fiebat in membro generationis, in quo spes generationis & naturæ propagandæ in Abrahamo deficiebat: tum quia signum Christi ex semine illius juxta promissionem nascitur: tum quia ibi urget concupiscentia fraternanda.

Fiebat octavo die, eò quod antea fuisse parvulus periculum crèatum. Per quod Mysticè significatur circumcisio spiritualis, in octava resurrectionis (quæ octava ætas per octavum diem figuratur) perfectissimè consummanda. Non poterat cessante periculo differri; et si dies sabbati foret, juxta illud Joan. 7. Si circumcisionem accipit homo in sabbato, ut non solvatur lex Moysi, scilicet de circumcidendo parvulo die octavo.

Instrumentum autem poterat esse ferreum iuxta D. Thomas, q. 70. a. 3. ad 2. cum nusquam lapideum præcipiat, eti aliquid cultus lapideus fuerit adhibitus Exod. 4. & Iosue 5. Unde & Judæi frequenter culto ferreo usi sunt & adhuc utuntur; ut de suo tempore indicat D. Thomas, & etiam a patre experientia. Judæi quoque per chirurgos circumcidunt nunc parvulos, eò quod alioquin facile nasceretur pe-

riculum prolibus.

Denique in Scriptura nil est determinatum, quantum ad locum in quo fieri, & minister ad quo adhiberi deberet circumcisio. Unde & semina, uxori scilicet Moyse, legitur circumcidisse filium; & Abraham scripturam. De his vide Sivez q. 70. a. 3. Vaszquez disp. 163.

Dico IV. In statu legis scriptæ seu Mosaicæ (quæ Israëlitæ seu posteros Jacob & In Lege Proselytos concernebat, & duravit usque ad statum Legis novæ) fuerunt varia sacramenta, saltem non collativa gratiæ sanctificantis. Ita unanimiter Theologi, & aperte supponit Concilium Florentinum in Decreto de Armenis, ac Trid. sess. 7. can. 2. de Sacram. in genere.

Et quidem si Sacramentum latius capiatur pro quolibet signo rei sacræ, fuerunt quasi innumera, ut ex libris Exodi, Levitici, Numerorum, & Deuteronomii constat, omnes scilicet sacræ figuræ & ceremoniæ ibi præscriptæ.

Si vero paulo strictius (ut solet) sumatur pro signo aliquo modo sanctificante, & perfectam sanctitatem per Sacramenta Legis novæ conferendam saltem præfigurante, solent Sacra menta antiquæ Legis ex D. Thoma 1. 2. q. 102. a. 5. reduci ad tres classes præter circumcisionem carnis, cui succedit circumcisionem mentis in Baptismo per illam adumbrata: nempe ad Esum agni paschalis, qui fuit typus Eucharistiae, & confirmabat in sanctitate legali. Cui adjungi potest eis panum propositionis. Secundo ad purifications & iustificationes legales, quibus correspondet Pœnitentia. Tertio ad consecrationes Sacerdotum & Levitarum, quæ erant signa Ordinis. Confirmationi autem & Extremæ-Uncioni nullum in antiqua Legi Sacramentum correspondere repertur: quod pender à voluntate Dei. Cujus congruentiam satis infirmam affigunt D. Thomas sup. ad 3. quod in Confirmatione detur gratiæ plenitudo, quæ ad novam Legem pertinet; quodque Extremæ-Uncio sit immedietata præparatio ad introrūm glorie, cuius aditus nondum patebat in veteri Lege. Cur enim hoc non obstante congrue nequivissent in ista lege dati Sacra menta adumbrativa illius, quod futurum erat in Lege nova, non quod fiebat tunc in præsenti? Matrimonium quoque tunc non erat Sacramentum, sed nudus contractus & naturæ officium: quia non erat à Deo institutum, ut, conferret suscipientibus aliquam sanctitatem. Infirma autem est ratio, quam affigunt D. Thomas supr., scilicet quod tunc nondum facta erat conjunctione humanitatis cum Verbo, cuius est symbolum: nam bene potuisse esse Sacramentum præfigurativum conjunctionis futuræ. Similiter quod addit in veteri Lege locum habuisse libellum repudii, quod est contra Sacramenti rationem;

Quæ praeter circumcisionem ad tres classes reducuntur,

## 120 Disp. I. De Definitione Sacramenti & Differentia Sacram.

nem; falsum est, id rationi genericæ Sacramenti adversari: immo cum dissolubilitate aliqua consistit in nova Lege Sacramentum Matrimonii; cùm in ea ratum solvatur per professionem solemnem Religionis. Neque inter figuram & figuratum debet esse omnimoda proportio.

### Q U A E S T I O N E I V.

#### De Efficacia veterum Sacramentorum, præfertim Circumcisionis.

37.  
Veteris Legis Sacra-  
menta non conseruent  
gratiam, sed legalem  
sanctitatem.

**D**E Sacramentis veteris Testamenti (si Circumcisionem seu remedium parvolorum excipias.) satis convenient inter Theologos Catholicos, ea non causasse in recipientibus gratiam sanctificantem ex opere operato, sed solum legalem aliquam sanctitatem. Unde Apostolus in Epistola ad Hebraeos pluribus inculcat sacrificia & ceremonias veteris Legis generatim nihil ad perfectum adduxisse, neque potuisse (ut expressit cap. 9.) juxta conscientiam perfectum facere servientem, sed tantum sanctificasse ad emundationem carnis. Deinde Concilium Florentinum in Decreto de Armenis de Sacramentis novæ Legis ait: *Quæ nullum à Sacramentis differunt antiqua Legis: illa enim non causabant gratiam, sed eam solum per passum Christi dandam figurabant: Hæc vero nostra & continent gratiam, & ipsam dignè suscipientibus conferunt.* Et Aug. in Psal. 73. ait: *Alia sunt Sacra menta dantia salutem, alia promittentia Salvatorem: Sacra menta novi Testamenti dant salutem, Sacra menta veteris Testamenti promiserunt Salvatorem.* Idem tradit aliis locis, Dum vero Tract. 26. in Ioan. significat Sacra menta vetera & nova posse dici paria, sive eadem virtute spirituali, solum vult esse paria in virtute seu ratione signi, adeoque eadem analogicæ ex parte rei significatae, quia idem significant, non tamen esse in ratione causa eadem aut paria. Allegatque illud 1. ad Cor. 10. *Omnes eamdem escam spiritalem manducaverunt &c.* Quamvis alioquin verè Apostolus, ibi non conseruat Judæos, cetera Christianis (ut vult Calvinus) sed ipso inter se, ut patet ex contextu: *Paries (inquit) nostri omnes sub nube fuerunt, & omnes in Moyse baptizati sunt &c. & omnes eamdem escam spiritalem manducaverunt &c. sed non in pluribus eorum beneplacatum est Deo, seu plures eorum Deo non placuerunt, puniti in deserto.*

38.  
Sacrificia expiatoria non valebant ad delendum peccata, nisi ex opere operantis,

Nec refert, quod Levitici 15. & 16. expressè præscribantur sacrificia pro expiatione peccatorum, sic ut etiam promittatur remissio: non enim valuerant nisi quoad legalem immunditiam abstergendam, & simul etiam avertendas plagas hujus vitæ Judæi à Deo solitas intentari; non autem quoad remissionem culpæ, aut poenæ futuri

sæculi, nisi ex opere operantis, accedente nimis contritione ipius peccatois, pro quo offerebantur sacrificia protestativa adventus Messiae. Quemadmodum etiam constat exercitum reliquarum antiquæ Legis ceremoniarum, cùm forent cultus Religionis & actus verae virtutis, sive ex opere operantis meritorum, sive de congruo sive de condigno, eo modo quo actus aliarum virtutum. Quod apparet indubitate apud omnes Doctores. Quidquid Nonnulli antiqui videantur ex istim affectu, ea tantum sive in onus imposita, sic ut quantumvis iusti illa suscipiantur, nil fructus vel augmenti gratiae ac meriti apud Deum obtinerent. Quod sane absurdum est, & à communibus de merito regulis aliciusum. Deinde quid dicent isti de oblatione sacræ Virginis, cùm obtulit par turtrum aut duos pullos columbarum, numquid & ista à merito vacua fuit? inquit D. Bonaventura 4. d. 1. p. 1. art. 1. q. 5.

Principia igitur difficultas manet de Circumcisione. Pro resolutione

Dico I. Circumcisio primariò quidem fuit instituta, ut esset signaculum fœderis, quod poplit Deus cum Abraham, & distinctivum posteritatis & familiæ Abrahæ à reliquis populis: simulq[ue] protestativum fidei in Messiam ventum. Colligitur ex genitiva institutione Circumcisione, prout retentur Genes. 17. & de Abraham ad Rom. 4. dictum: *Sigillum accepit Circumcisio, signaculum iustitiae fidei, qua est in proprio. Id ipsum saltem volunt Patres, Iustinus Martyr Dial. contra Tryphonem; Circumcisio (inquit) accepit Abraham, significatio gratia, non iustitia. Irenæus lib. 4. contra heres cap. 3. ubi assertit Circumcisio esse datum, non ut confirmationem justitiae, sed ut cognoscibile perseveraret genus Abrahæ. Cyrillus 1. to. in Julianum negat valuisse ad iustitiam. Similia habent alii Patres.*

Dico II. Nihilominus circumcisio secundariò & consequenter instituta fuit remedium originalis peccati pro parvulis malis culis, quo ipsum originale celebatur, & per naturam consequens gratia justificans infundebatur. Ita communiter Doctores cum D. Thoma q. 70. art. 4. in corp. Qui addit ita ab omnibus sentiri, ut mire ipsum citari à Vasquez & Lugo in contrarium ex hoc loco aut ex q. 6. art. 6. ad 3. ubi similiter tradit potius Conclusionem nostram. Quam etiam tradit D. Bonaventura d. 1. p. 2. in Expos. textus dub. 1. & art. 2. q. 1. in Conclis. & q. 3. in corp. Immo Scotus d. 1. q. 6. n. 1. ait, *hoc supponendum esse tamquam certum. Quod censem etiam vacuisse Doctores. Probatur ex August. liv. 3. contra Julian. cap. 18. Responde si patet: cur ipse Iesus, nisi baptismatis Christi signo circumcisus die octavo natus, manifeste let, perisset anima ejus de populo suo?* Explicatur doct. Augustinus: *tanta pena quo merito pleceretur, nisi ab alio hac illo Sacramento liberaretur?* Lib. 2. contra patrem litteras

*Ques. IV. De Efficacia veterum Sacramentorum &c.* 121

literas Petilianam c. 72. Antiquus populus Dei circumcisionem pro baptismo habebat. Lib. 4. de Baptismo contra Donatistas c. 2. q. cur praeceptum est ei, Abraham, ut synem deinceps inuentum masculum octavo die circumcidere, nisi quia et ipsum per seipsum Sacramentum multum valebat? Et alibi sacerdotem. Gregorius 4. Moral. c. 2. Quod apud nos valet aqua baptismatis, hoc egit apud Veteres ..... pro iis qui de stirpe Abraham prodierunt mysterium circumcisionis. Idem tradunt Profer Ep. ad Demetriadem, F. Gentilis de Incarnatione cap. 15. Isidorus, Beda, Bernardus, Rupertus, Hugo Victorinus.

Denique *Innocentius III. c. Majores de Bapt.*

dicit, quod *Baptisma circumcisiorum succedit*. Et  
confert verba *Genes. 17. Māsculus cuius caro  
præputii circumcisā non fuerit. &c. verbis Chri-  
stī *Joan. 3. Nisi quis renatus fuerit ex aqua & Spi-  
ritu sancto, non intrabit in regnum Dei. Expli-  
cansque utriusque effectus subjugavit: Esti  
originalis culpa remittiebatur per Circumcisiorum my-  
sterium, & damnationis periculum vitabatur, non  
iamen perveniebatur ad regnum celorum, quod  
usque ad mortem Christi fuit omnibus obser-  
atum.**

Habet insuper hæc Patrum doctrina fundamen-  
tum in illis verbis Gen. 17. *Masculus*,  
cujus præputii caro circumcisæ non fuerit , delibera-  
tur anima illa de populo suo , quia pactum meum  
irritum fecit. Quæ verba licet Varii intelligent  
de solis adultis ; tamen Septuaginta In-  
terpretes , & ex iis Augustinus ac multi veteres  
Patres repetunt, octavo die. Quod etiam no-  
ster Interpres antea v. 12. posuerat. Et  
quævis postea rursum id non addat , sen-  
tentia tamen generalis est, ut etiam de par-  
vulis intelligi possit. Unde lectio Septua-  
ginta (quæ etiam in nova editione facta ju-  
su Sixti V. retenta fuit) explicat editionem  
vulgataem. Cùna itaque parvuli octavo die  
non circumcisæ anima fuerit delenda de po-  
pulo Dei , non solum carnali Judaico , sed  
potissimum spirituali , nempe justorum , ut  
constanter hunc locum intelligit. Augst. 16.  
de Civ. c. 27. & frequenter in libris contra  
Iulianum , signanter hb. 2. cap. 6. sequitur cir-  
cumcisionem purgasse à peccato originali ,  
et soli anima pueri est subiecta.

Denique idem confirmat ratio, quæ in  
prædictis verbis allegatur, videlicet, quia  
paetum meum irritum fecit: cum enim parvu-  
us octavo die non circumcisus damnari  
non potuerit ex eo præcisè, quod irritum  
fecerit paetum de adhibenda circumcisione,  
quandoquidem paeti personalis sit inca-  
pax; sequitur fuisse damnandum ex eo,  
quod insuper irritum fecerit paetum pec-  
candi in Adamo, à quo peccato debebat  
per circumcisionem purgari. Ita Aug. l. 2. de  
Nupt. & Concup. c. 11.

Est tamen obseruandum circumcisio[n]em  
no[n] potuisse adhiberi feminis, nec ante octa-  
vum diem masculis ob infantium teneritu-  
dinem; et si forte citius adhibita, fuisset va-

Herinck Sum. Theol. Pars IV.

lida quantum ad præsentem effectum, cum remedium tenetus juxta D. Bonaventuram 4. d. 1. p. 2. legis naturæ art. 2. q. 2. sit quidem necessarium quoad v. observantiam, non tamen quoad efficaciam. Deinde ipsa fuit omissa in deserto quadraginta annis, ut colligitur ex Josue 5. Unde cum non sit credibile feminas generaliter, aut masculos ante octavum diem fuisse defitutoris Sacramento iustificante, seu remedium, quod licet potuerit adhiberi, aut fideles tanto tempore tam universaliter neglexisse medium unicè necessarium parvulis frequenter mox à nativitate morientibus, existimandum est feminas generaliter & masculis periclitantibus ante octavum diem potuisse adhiberi remedium legis naturæ: idenque ex dispensatione att infinitu divino fuisse adhibitum tempore peregrinationis Israëlitarum per desertum, quo tempore ob incertitudinem motus castrorum, quæ movebantur ad motum nubis, non poterat servari circumcisio. Quæ insuper tunc erat minus necessaria in quantum erat signum distinctionis: cum in deserto non possint Gentibus commisceri. Unde postmodum præcepta fuit una generalis circumcisio in terra promissionis, in typu illius quæ futura est in patria. Quæ recte notavit D. Bonav. sup.

43.  
Nova Pā-  
trum expli-  
catio, quam  
Lugo alle-  
gat, refutat,  
et corr.

Ex dictis hac Conclusione satis colligi-  
tur infundatam esse recentem opinionem  
*Lugo disp. 5. sect. 2.* qui volunt compонere au-  
ctoritates Patrum speciem tenus repugnantes  
dixit circumcisionem tantum fuisse à Deo  
institutam in signum, adeoque ex institutio-  
ne sua non delevisse originale; equidem lo-  
litam fuisse. Eadem operā assumi pro reme-  
dio legis naturæ (quod putat fuisse ceremoni-  
am liberam) quoad masculos parvulos,  
quibus aliud necdum erat applicatum. Hoc  
namque manifestè dissonat allegatis auto-  
ritatibus, que aperte tribuunt hanc vim cir-  
cumcisioni vi institutionis factæ *Gen. 17.*  
Quas proinde constanter ita intellexerunt  
antiquiores Theologi. Deinde gratis dissim-  
ulato, quod determinatio remedii legis  
naturæ fuerit olim in arbitrio illud appli-  
cantium: unde didicit *Lugo* Iudeos adeò  
concorditer reliquo veteri remedio adhibui-  
sse masculis suis novum circumcisionis, &  
usque ad octavum diem expectasse, non ad-  
hibitam citius aliquā oblatione parvuli mun-  
dativā, si non erat vi divinæ ordinationi seu  
institutionis obligatio in hunc finem regu-  
lariter adhibendi circumcisionem?

DICO III. Circumcisio ( idem ferè est de Re medio legis naturæ) rectè dici potest parvulis contulisse gratiam deletivam peccati originalis ex opere operato. Ita Scotus sup. gratiam ex num. i. i. & plurimi alii. Probatur ex auctoritatibus præced. conclus. citatis, in quibus ex vi institutionis divinae idem tribuitur circumcisio quod baptismo, diciturq; tantum Sacramentum liberare à pena interius, per seipsum mulsum valere, & originalem culpam

122 Disp. I. De Definitione Sacramenti & Differentia Sacram.

per mysterium circumcisionis remitti; & consequenter per illud conferri gratiam sanctificantem, sine qua juxta legem ordinariam peccati non sit remissio: atque nihil aliud requiritur ad conferendam gratiam ex opere operato, ergo &c. Confirmatur: quia circumcisione non habet vim ex opere operantis parvuli, qui est incapax meriti personalis; nec ex opere operantis ipsius parentis aut circumcidentis parvulum: nam alioquin male fuisse pro viam parvulis, utpote qui a malis circumcisioni nullum fructum habuissent. Unde falsum est fuisse requisitam fidem internam parentum, velut meritum operantis: sufficiat enim implicita seu objectiva in ipsa circumcisione, quae adhibebatur, inclusa, vel ad summum fides Ecclesiae aut congregationis Fidelium: alioquin non recte auctoritates remissionem culpe in solam circumcisionem refunderent. Unde Aug. lib. I. contra Crescon. c. 31. & alibi assertum circumcisionem etiam Samaritanorum parvulis valuisse.

45.

*Ex quo non  
recte argui-  
tur conve-  
lisse gratiam  
adulterii,*

*Quamvis  
& his gra-  
tiam conve-  
lisse sit in-  
certa quo-  
rumdam nee  
ad eō sūda  
conjectura.*

*Non tamen  
Abrahā il-  
lam conve-  
lit.*

Dices I. Circumcisio non contulit gratiam adultis, ut ex Patribus fuisse probat Bellarmine l. 2. de Sacrament. c. 14. & seqq. ideoque Apostolus ad Rom. 4. docet Abraham non fuisse justificatum ex circumcisione, sed ex fide, scilicet vivâ per charitatem, & accepisse circumcisionem tamquam signaculum justitiae fidei, quæ erat in praeputio Abrahæ: ergo circumcisione non confert gratiam ex opere operato: alioquin etiam conferret illam omni non ponenti obicem, idque præter ejus meritum. Resp. dissimulatio Antec. Neg. Cons. ad suus probationem dico sufficere ut conferat gratiam non ponenti obicem, quando adhibetur illi, pro quo est instituta in ratione signi efficacis gratiae; prout solum instituta fuit pro parvulis peccato originali infectis, sequit per actus proprios ad justificationem disponere non valentibus, ut ex auctoritatibus & congruentia colligitur, & innuit a Scoto sup. Pro adultis vero tantum fuit instituta insignum feederis & distinctivum populi Dei a reliquis gentibus. Idemque communiter dicitur de Remedio legis naturæ, quod etsi respectu parvolorum esset efficax gratiae, non tamen respectu adulorum. Aliqui nihilominus existimant remedium externum deletivum originalis peccati potuisse cum fructu semel singulis, etiam adultis, quibus necdum fuisse adhibutum, vel antea justificatis per actum internum, potuisse applicari; non quidem causando in adultis primam gratiam cum attritione instar sacramenti mortuorum (quod imperfectiōnem istius statū excedit) sed conferendo gratiae augmentum. Quare idem consequenter dicunt de circumcisione quoad masculos Hebreorum: essi ita non profudit Abrahæ, utpote qui dudum per remedium legis naturæ gratiam accepérat. Quæ

tamen satis gratis videtur dicta, minusque imperfectioni istius statū congruētia.

Dices II. Apostolus ad Rom. 3. c. 4. ad Gal. 3. & 5. aliisque locis videtur adimere circumcisioni vim justificandi, quod etiam faciunt variis Patres. Idem continetur in generalibus locutionibus Scripturæ & Patrum, dicentium Sacra menta veteris legis (sub quibus communiter receperetur circumcisione) non contulisse gratiam, sed illam tantum præfigurasse conferendam per passionem Christi in Sacramentis novæ legis. Quod clare expressit Concilium Florentinum in Decreto de Armenis, cuius verba in principio quæstionis retulimus. Resp. Auctoritates istas posse & debere explicari, ut non contrariantur auctoritatibus Augustinianis, Gregorii, Innocentii III. & aliorum Patrum manifestè tradentium doctrinam nostræ Conclusionis.

Dico itaque Apostolum subinde loqui de circumcisione pro statu novæ Legis; prout 1. ad Cor. 7. ait: Circumcisio nihil est, scilicet homini qui Christianam fidem suscepit. Subiungit de eam sumit pro ipso Judaismo. Quo sensu ad Galat. 5. ait: In Christo Iesu neque circumcisione aliiquid valet, neque præputium, id est, in Christianismo neque Judaismus, neque Gentilismus quidquam valet ad justitiam seu beatam vitam.

Aliis autem locis ad sensum Judæorum negat circumcisionem aut ulla opera Legis valuisse ad justificationem sine spiritu fidei & meriti Christi Jesu; cum tamen ipsi plus aequo in efficacia operū suæ legis præ Gentibus gloriarentur. Ad quod impertinens est, circumcisionem profuisse parvulis masculis Hebreis ex secundaria ordinatione Domini ad deletionem originalis peccati: cum & illam vim habere ipsam dicamus, quatenus erat protestatio fidei in Christum, atque adeo ex ejus meritis & passione. Et Judæi hac ratione non possent præ Gentibus glorificari, cum non justificaret tamquam opus legis, sed deserviret tantum parvulis masculis loco remedii legis naturæ, quod etiam habebant Gentes. Alioquin cum Apostolus etiam excludat gloriationem Gentium, sequeretur nec remedium Legis naturæ quidquam valuisse ad justificantum parvulos.

Eodem modo intelligendi sunt Patres, qui phrasit Apostoli non nisi utilitatem specificalem circumcisionis præ praeputio aut de cunctis favorib[us] Gentibus concessu excludunt. Vel certe volunt non valuisse Abrahæ adulto & dudum justificato etiam per remedium legis naturæ ad justitiam; neque valere ex primaria institutione: non autem, quia saltem parvulis ex secundaria institutione valuerit. Vel illam sic esse institutam tamquam remedium sine quo non possit obtineri universaliter justificatio, utpote quia sine illa feminis, nec non ante institutionem

*Qu. V. An. Quot, & à quo instituta sint Sacramenta novæ Legis. 123*

nem etiam masculis obtigerit, ut arguunt quidam Patres. Vel denique illam non fuisse datam velut consummationem seu statum consummatum justitiae, neque ut dispositio nem immediatam ad gloriam, quia non aperuit januam. Vide *Sicutum d. i. q. n. 11.* Si unus vel alter nullam explicationem patetur (ut solus *Chrysostomus* iuxta *Arraga* *diss. 9. s. 4. n. 19.*) id non debet præjudicare nostra doctrinæ.

Ad auctoritates aliorum generaliter asserentium inefficaciam Sacramentorum *versus* Legis, dico illos non comprehendere Circumcisionem respectu parvolorum infectorum peccato originali. Nam præterquam quod circumcisio non sit ex Moyse, sed ex Patribus, ut dicitur *Iohann. 7.* non conferbat quoque ipsa gratiam quatenus erat præcisus opus legis, sed quatenus erat remedium Legis naturæ. Gentibus quidem commune, sed pro Israëlitis masculis divinitus restitutum ad tale signum, & proinde non poterant Iudei idcirco præ Gentibus gloriariri. Specialiter autem id censendum est de *Concilio Florentino*, quod agit contra Armenos ex errore existimantes Sacramenta novæ Legis non habere efficaciam, sed esse nuda signa instar Sacramentorum aut ceremoniarum legis Mosaicae: non enim solent Concilia in locutionibus generalibus condonare *Augustini*, *Gregorii*, *Innocentii III.* & totaliorum Patrum ac Theologorum doctrinam: de qua in *Concilio Florentino* non fuerat nota controversia specialis. Loquitur itaque *Florentinum* stylo consuetu etiam ipsius *Augustini* (de cuius tamen mente quis meritò dubitet, quantum ad efficaciam circumcisionis?) qui iisdem ferè verbis in *Psal. 73.* & *Ep. 19.* quæ est ad Hieronymum, docet Sacramenta antiquæ legis non contulisse gratiam sed tantum præfigurasse. Similia habet *lib. 19. contra Faustum c. 13.* Unde sic ipse *Augustinus* non comprehendit circumcisionem quatenus erat remedium pro originali pro Israëlitis, sic nec *Florentinum* simili modo loquens, aut alia Concilia. Vel certè cum *Arraga* *d. 9. sect. 4. num. 19.* & *ibid.* dicendum foret *Florentinum* loqui de antiquis, uti de novis, universaliter, adeoque discrimen subsistere per hoc quod omnia nova contineant & causent gratiam, non tamen omnia antiqua, sed potius vix illa, unum scilicet vel alterum. Et planè ipsi adversarii debent simili aliquo modo explicare *Florentinum* quantum ad remedium legis naturæ, quod etiam cum Sacramentis ceteris in antiqua lege quoad se minus perseveravit, adeoque simili quæ circumcisione ratione inter antiqua Sacramenta recensendum esset.

Instabis: Concilia videntur continentiam & efficientiam gratiae appropriare Sacramentis novæ Legis; adeo ut nequidem remedium legis naturæ videatur pos-

se conferre gratiam ex opere operato, & per consequens nec circumcisione. Resp. Neg. Ass. cùm ex antè dictis constet institutum fuisse remedium contra peccatum originale, idque pro masculis de posteritate *solutio.* Abraham fuisse regulariter circumcisionem, adeoque non potuerunt Concilia prædicto remedio efficientiam gratiae denegare, & consequenter loquuntur de Sacramentis & ceremoniis legis Mosaicæ non comprehensis præfatis remediis. Quamvis Sacramenta novæ Legis speciali ratione contineant gratiam, tamquam scilicet sibi propriam, eamque abundantiorem, cùm etiam remedium legis naturæ gratiam, quam conferbat parciorem, deberet ex lege Evangelica mendicare. Sunt tamen Nonnulli, qui putent remedium hoc sive circumcisionem non tam causâ gratiam ex opere operato, quâ fuisse meram conditionem sine qua non. Sed hi reducent difficultatem ad questionem de nomine, in qua sine ratione negant remedium illud sive circumcisionem fuisse causam moralem gratiae, contra aperta testimonia *Augustini*, *Gregorii*, *Innocentii III.* & aliorum suprà citatorum.

Dices denique: Si circumcisione habuerit istum effectum, mirum est, quod *Iosephus* & *Cur Iosephus & Philo* illius non meminerint, cùm tamen ex- *Philo non meminire* actis omnia describant. Resp. Neg. Ass. quia nec meminerunt remedium Legis naturæ: ef- *tā singula- ris effectus*fectus autem ille circumcisionis non est, qua- *circum-* tenus ipsa est ceremonia legis Mosaicæ (de *circum-* quia agunt) sed quatenus jam ante erat sub- *sunt.* rogata in locum remediis legis naturæ.

*Q U A E S T I O V.*

*An. Quot, & à quo instituta sint Sacramenta novæ Legis?*

**E**sse in nova Lege proprii nominis *Sacramenta* apud omnes est indubitatum, *In nova lege* & patet ex dicendis de eorum numero, ac *Sacramenta* singulari in particulari. Necesse porro ea *instituta sunt com-* instituendi non fuit absoluta & simpliciter: *gruentissi-* poterat enim Deus aliis externis symbolis, *mē.* præseruimus sacrificiis, populum Christianum adunare, & gratiis liberaliter donandis efficaciam Sacramentorum supplere. Congruentissimum tamen fuit, attentâ Dei benignitate, hominisque infirmi indigentia & conditione, hujusmodi sensibilia signa institui. Quare *paucia pro multis antiquis, eademque facta facilissima, & intellectu angustissima, & conservazione castissima ipse Dominus & Apostolica tradidit disciplina;* ut inquit *S. Ang. l. 3. de doctrina Christiana c. 9.* quibus Deus, (ut ait *Ep. 118. in princip.*) *societatem novi populi colligavit;* & in quibus (ut ait *Trid. sess. 14. in proemio de Extrema Uult*) auxilia maxima preparavit, quibus Christiani conservare se integros, dum ricercent, ab omni graviori spiritu incommode possint.

L 2

D 6

## 124 Disp. I. De Definitione Sacramenti & Differentia Sacram.

52.  
De quorum  
numero  
valde incer-  
tanter &  
diversimode  
loquuntur  
Sectarii re-  
centiores.

De numero Sacramentorum Hæretici recentiores tam diversimode & incon-  
ter scripsérunt, ut omnes inter se, & idem  
sæpè secum pugnent; ut ex illorum scriptis  
deducit Bellarmus l. 2. de Sacram. in genere  
l. 23. Calvinista quidem communiter solum  
admittunt Baptismum & Cœnam: Calvinus  
ipse l. 4. Inst. c. 19. §. 28. & 31. illis addit  
Ordinationem: quam ideo non posuit in nu-  
mero, quod non est Sacramentum Ordina-  
rium, nec commune apud omnes fideles,  
ut habet §. 28. citato. Alii admittunt Baptis-  
mum, Cœnam & Matrimonium, ut Zwingli-  
us. Lutherani communius admittunt Baptis-  
mum, Eucharistiam & Pœnitentiam, secuti  
Lutherum; qui tamen aliquando docet, se-  
cundum usum Scripturæ loquendo tantum  
esse unum, aliquando vero, si rigidè loqui  
velimus, esse duo, Baptismum & Eucharis-  
tiam. Alii his tribus etiam annumerant Or-  
dinem; ut Melanchton; qui alibi propendet  
ad superaddendum Matrimonium: quamvis  
idem nunc duo, nunc tria, nunc quatuor ad-  
mittat. Tandem Lutherani aliqui admittunt  
septem: quæ eti neganda censuerit Lutherus  
in lib. de . . . Babylonica in initio, tamen in  
medio lib. ap. de Confirmat. dixit se non dam-  
nare septem Sacraenta, sed tantum negare  
ea ex Scripturis probari posse. De quibus  
vide Bellarmino sup.

53.  
Sed fides  
Catholica  
non plura  
neque pau-  
ciora fa-  
zuit, quam  
septem.

Qua fun-  
datur in  
universalis  
traditione  
Ecclesia.

Fides Catholica docet esse septem, & non  
plura, neque pauciora novæ legi Sacra-  
menta propriæ dicta; quæ sunt, Baptismus,  
Confirmatio, Eucharistia, Pœnitentia, Ex-  
tremæ-Uncio, Ordo & Matrimonium. Ita  
definit Trid. sess. 7. de Sacram. in gen. c. 1. Idem  
antea definierat Florentinum in Decreto de Ar-  
menis, consentientibus non solum Latinis,  
sed etiam Græcis & Armenis. Idem jam ab  
annis amplius quadringentis cum Magistro  
docuerunt unanimiter Theologi. Ratio  
principalis est voluntas Christi; cuius cer-  
tissimum testimonium sumitur ex Ecclesiæ  
universalis traditione: quam à Christo & A-  
postolis profluxisse inde patet, quod nec in-  
ter Catholicos hac de re, umquam fuerit  
diffensio, nec Hæretici Lutherani & Calvi-  
nistis antiquiores contradixerint; nullum eti-  
am Concilium aut Pontifex istum nume-  
rum primò introduxisse legatur, nec ullus  
Historicus umquam retulerit primum istius  
doctrinæ auctorem, vel tempus quo ceperit  
doceri; ut de singulis hæretibus origo ea-  
rum resertur ab Auctoriis res sui tempo-  
ris consribentibus. Provenit ergo extra-  
ditione Christi & Apostolorum, juxta regu-  
lam Augustini l. 4. de Baptismo c. 24. Quod uni-  
versa tenet Ecclesia, nec Concilii institutum, sed  
semper reverentum est, non nisi auctoritate Apostolicæ  
traditionis refutare creditur. Deinde agendo de  
singulis Sacramentis in particulari ostendetur,  
quod sint verum Sacramentum; de  
aliquo autem alio, præter septem prædicta,  
ex nullo capite ostendi potest.

Congruentiam hujus numeri septenarii  
affignat Florentinum sup. Nam cùm Sacra-  
menta ordinentur ad hominem perficien-  
dum; isquæ perfici possit, vel in ordine ad  
communitatem, vel in ordine ad seipsum.  
Hinc quinque prima Sacraenta ad spiri-  
tualem hominis in se ipso perfectionem, duo  
ultiæ ad totius Ecclesiæ regimen multi-  
plicationem ordinata sunt. Nam baptis-  
mo spiritualiter regeneramur, confirmatione  
augemur & in spiritu roboramur: renati  
& roborati nutrimur divinas Eucharistiae  
alimoniam: infirmati sive vulnerati per pecca-  
tum medicinali Pœnitentiæ Sacramento sa-  
namur; sicut & per Extremam-Uncionem  
sublatis infirmatum reliquiis ex pecca-  
to relictis spiritualiter sanamur, pro extre-  
ma lucta roboramur, ac etiam corpora-  
lem (si expediatur) sanitatem recipimus. Or-  
dine Ecclesia gubernatur ac propagatur  
spiritualiter, corporaliter Matrimonio. Vi-  
de D. Bonav. l. 2. art. 1. q. 3. in corp. & D. Tho-  
mas q. 65. a. 1.

Nec obstat, quod Scriptura & Patres  
nullibi dicant esse septem Sacraenta: nam  
nullibi etiam hoc negant: adeoque id non  
concludit ab auctoritate negativa. Quem-  
admodum non sequitur, non esse quatuor  
ea ex Scripturis probari posse. De quibus  
vide Bellarmino sup. c. 24.

Sufficere profecto deberet auctoritas &  
traditio Ecclesiæ, ut de ea præclarè Hieronymus  
Dialogo contra Luciferianos ante me. An ne-  
fis (inquit) hunc esse Ecclesiæ morem, ut baptis-  
tatis postea manus imponantur, & ita invocetur  
Spiritus sanctus? Exigit ibi scriptum sit, in actibus  
Apostolorum. Et quamvis sacra Scripturæ auctoritas  
non subferet, totius Orbis in hanc partem consensus  
instar præcepti obtineret.

Nec obstat etiam, quod Augustinus Ep. 118.  
in princ. dicat, Christianos frui Sacramentis na-  
mero pauciori, observatione facilius, signifi-  
catione præstantius. . . . . sicut est Baptismus na-  
mine Trinitatis consecratus. Communicatio corporis aliquæ  
& sanguinis ipsius; & si quid aliud Scripturis Ca-  
nonicis commendatur. Nam ibi duo principia,  
facilia & communia solum exprimit  
gratiæ exempli, non dubitans tamen, sed po-  
tius supponens esse plura. Pro quo remittit  
ad commendationem Scripturæ, haud ta-  
men excludens Traditionem Ecclesiæ,  
quam tanti fecit, ut l. contra Epistolam funda-  
menti c. 5. dicere non dubitaverit: Ego vero  
Evangelio non crederem, nisi Catholica Ecclesia me  
commoveret auctoritas.

Simili modo quo Epist. 118. loquitur  
etiam l. 3. de Doctrina Christiana c. 9. ubi  
post

*Qu. V. An, quot, à quo instituta sunt Sacra menta nova Legis. 125*

post verba relata ad i. subdit: *Sicut et Baptizatum Sacramentum, & celebratio corporis & sanguinis Domini.* Quare alibi aperte plura significat. Nam Concilium in Psal. 103, circa medium ait: *Rejice ad manera ipsius Ecclesie: Muius Sacramentorum in Baptismo, in Eucharistia, in ceteris Sacramentis.* Et lib. 5. de Baptismo cap. 20. ait: *Quomodo exaudit Deus homicidam deprecans, vel super aquas baptismi, vel super oleum, vel super Eucharistiem, vel super capita eorum quibus manus imponitur?* De Confirmatione lib. 2. contra litteras Petilianianas cap. 104. *Sacramentum Christi in genere visibilium signaculorum sacramentum est, sicut ipse Baptismus.* De ordine l. 2. contra Epist. Parmenianam c. 13. inquit: *Vtrumque (scilicet Baptismus & Ordinatio) Sacramentum est, & quadam consecratione utrumque homini datur.* De Extrema-Uncione videndum est in libro de Speculo, & Serm. 215. de temp. & l. 2. de Visitat. infirorum (de quod tamen non constat, quod sit Augustini) c. 4. De Sacramento Matrimonii clare tractat lib. de bono conjugali c. 16. 18. 19. & 24. Unde patet Augustinum omnia septem Sacra menta agnoscere.

Quod ad ordinem Sacramentorum attinet, enumerantur ea ordine à nobis superiori posito, tum à Florentino & Tridentino, tum à Catholicis Scriptoribus communiter. Idemque serè est ordo susceptionis seu executionis: cùm ingrelsis Ecclesiam per Baptismum adultis mox, si opportunum sit, deatur Confirmatione, dein Eucharistia, etiam parvulis post Baptismum olim præberi solita; quam proinde per accidens ad alios præcedit Pœnitentia, cuius, ipsiusque Christianæ vitae consummativa est Extrema-Uncio. Ordo & Matrimonium inter se non habent ordinem. Quantum ad ordinem dignitatis, non omnia esse inter se paria definit Trid. sess. 7. can. 3. Dignissimum siquidem constat esse divinum & Venerabile Sacramentum, quod & sanctitate & mysteriorum numero ac magnitudine longè ceteris antecellit. In reliquis variae possunt considerari rationes, quibus singula singulis præfarrantur, ut in Baptismo major efficacia, in Confirmatione dignior minister, in ordine nobilior gradus seu status &c.

Denique quod attinet Auctorem sive institutorem novæ Legis, inindubie est Christus Dominus; qui omnia instituit per se immediate. Ita unanimiter Theologi, præsertim post Tridentinum. Nonnulli tamen (quod non mirum) qui olim ante Tridentinum scriperunt aliter sentierunt, vel sensi vici sunt de quibusdam Sacramentis, signanter Confirmatione velut institutâ à Concilio Meldensi, & Extrema-Uncione velut institutâ ab Apostolis, nisi fortasse de promulgatione loquantur. Difficilia quædam de his habet S. Bonaventura 4. d. 7. art. 1. q. 1. in corp. ubi videtur præferre illam sententiam, quæ docebat Confirmationem quoad for-

*Herinex Sum. Theol. Pars IV,*

mam suisse postmodum institutam à Spiritu sancto & q. 2. Christus ( inquit ) hoc Sacramentum non instituit. Similiter d. 23. art. 1. q. 2. in corp. videtur docere Extremam-Uncionem esse à Spiritu sancto per Apostolos velut promulgantes institutam, sicut præcepta Legis veteris sunt Deo data per Moysen, ut explicat ibid. ad 2. Nihilominus sensum S. Bonaventura non differre à doctrina hodie communii obseruat Angelus Rocca in Prefat. ad Lectorem præfixâ Tomo 5. Ex Breviloquii p. 6. c. 4. Centiloquii p. 3. scđt. 47. Hoc tenendum est ( inquit Brevilog. loco cit.) quod septem Sacra menta legis gratia Christus instituit tamquam novi testamenti mediator, & principius laetus legis, in qua vocavit ad promissa eterna, dedit præcepta dirigentia, & instituit Sacra menta significantia.

Et infra subdit: *Instituit autem predicta Sacra menta diversimodè: Quædam scilicet ex eis confirmando, approbando & consummando, ut matrimonium & Pœnitentiam ( quæ nempe ante legem novam extiterant, & per Christum sunt confirmata & consummata in ratione Sacra menti novæ legis ) Quædam autem insinuando & initiendo, ut Confirmationem & Vnctionem extreamam ( quæ nimurum velut novæ legi propriissima insinuavit, dum pueris manum imposuit, & Apostolos misit ungere ægrotos, & quibus sua institutione primum initium dedit ) Quædam vero initiendo, & consummando, & in semel ipso suscipiendo, ut Sacramentum Baptismi, Eucharistie & Ordinis. Hac enim tria, & plenè instituit, & etiam primus suscepit.*

Probatur doctrina communis ex Trid. sess. 7. can. 1. ubi dicitur: *Si quis dixerit Sacra menta nova Legis non suisse omnia à Iesu Christo Domino nostro instituta ..... anathema sit.* Quod effectus in Tridentino. Ubi licet Concilium non addat, immediatè id tamen exigit verborum proprietas: cùm non dicatur proprio quis aliquid instituere, ad quod insinuendum alteri solum tribuit potestatem. Sic etiam eti. Deus sive Christus Ecclesiæ dederit potestatem ferendi leges, tamen leges ab Ecclesia latæ, non dicuntur divinae aut latæ à Deo. Deinde Trid. sess. 14. can. 1. de Sacramento Extremæ-Uncionis ( de quo poterat maximè dubitari ) definit, illud esse à Christo Domino nostro institutum, & à B. Jacobo, Apostolo promulgatum. Ubi cùm Apostolo solum tribuat promulgationem, clare patet, ipsum non Apostolis, sed Christo adscribere immediatam institutio nem. Denique quia alias rectè diceretur, Christum instituisse omnia sacramentalia, quia dedit Ecclesiæ potestatem ista instituendi.

Probatur II. Quia Trid. sess. 21. cap. 2. supponit Ecclesiam nihil posse mutare circa substantiam Sacramentorum: existimavit ergo Ecclesiam non posse instituere; cùm ejus sit legem mutare, cuius est ferre.

Confirmatur I. ex Apostolo 1. ad Cor. 4.

L 3

ubi

## 126 Disp. I. De Definitione Sacramenti & Differentia Sacram.

ubi dicuntur Apostoli non Auctores, sed dispensatores mysteriorum Dei. Confirmatur II. quia aliqua Sacraenta sunt immediate à Christo instituta; ergo omnia: cum de omnibus sit par ratio: omnia enim significant & efficiunt gratiam, quae à solo Deo potest causari: omnia concurrunt tamquam columnæ & ædificium Ecclesie, cuius architectus & caput est Christus.

*Quanta sit  
bujus do-  
ctrina certi-  
tudo.*

60.

*Auctor Ser-  
monis de  
ablutione  
pedum non  
est Cypri-  
nius:*

*Cujus equi-  
dem verba  
explicantur.*

Ob evidentiam horum testimoniorum, signanter Tridentini, censent Aliqui Conclusionem esse de fide: Alii (ut Sotus & Suarez) cam sine temeritate negari non posse. Nec mitiorem censuram alii recentiores Scriptores de opposita doctrina ferrent, qui nostram velut indubitatem unanimiter tradunt.

Nec obstat illud Cypriani Serm. de ablutione pedum dicentes: *Ipsé summus Sacerdos sui est Sacramenti* (intellige, Eucharistie) *instituens & auctor: in ceteris homines Spiritum sanctum habere Doctorem.* Nam ex hoc, usonat, accepto contra ipsos Haereticos sequeretur Christum nequidem baptismi esse auctorem. Deinde ex stylo & aliundè fatis colligitur auctorem non esse Cypriani, qui etiam præjudicare non posset doctrinæ ab Ecclesia declaratae. Præterea responderi posset, per suum Sacramentum, intelligi omnia septem, utpote verè Christi Sacraenta, à quo & alia præcepta immobiliter instituta esse Auctor præmiserat, inter illa recensens Baptismum, Confirmationem & Ordinem. Quare ly in ceteris non resert ad Sacraenta, sed ad ea, quæ Apostoli Spiritu sancto dictante scripserunt & radiderunt, quibus similiter nihil addi, nihilque subtrahi potest, ut idem Auctor ait. Vide Vaquez, disp. 135. n. 12. & 13.

61.

*Explicatur  
locus Augu-  
stini ex  
Epist. 118.*

Non obstat etiam, quod Ang. Epist. 118. c. 1. postquam dixisset: *Sacramentis numero pan-*  
*cisimis . . . . . societatem novi populi colligavit;*  
*sicuti ei Baptismus, Communicatio corporis & san-*  
*guinis ipsius, & si quid allud in Scripturis Cano-*  
*nicis commendatur, subdat: Illa autem, que non*  
*scripta, sed tradita custodinjs, que quidem toto*  
*terrarum orbe observantur, dantur intelligi, vel*  
*ab ipsis Apostolis, vel plenariis Conciliis . . . . . com-*  
*mandata atque statuta retineri.* Nam hæc verba non resert Augustinus ad Sacraenta (ut explicat Poncius disp. 41. n. 43. consequenter sic torquens verba Augustini, quasi significet ea retineri in Ecclesia tamquam instituta & commendata à Deo, & data intelligi per Apostolos vel Concilia) quæ quidem generatim jam antea expresserat, sed ea referit ad instituta Ecclesiastica, sciant (verba sunt Augustini immediatè subjecta) quid Domini passio & resurrectione & ascensio in celum, & adventus de celo Spiritus sancti, anniversaria solemnitate celebrantur. Et si quid aliud tale occurrerit, quod servatur ab universa quacunque se diffundit Ecclesia.

62. Sed controversia manet inter Scholasti-

cos, an ex speciali Dei commissione potuerit institui aliquod Sacramentum à pro homine. Quæ lis cum videatur de nomine; breviter.

Dico, quod posset Deus committere creature potestatem designandi certa signa, quibus Deus infallibiliter annexeret gratiam, sicut est annexa Sacramentis de facto institutis; cum nulla in hoc appareat repugnantia. Unde si institutio Sacramenti nil aliud importet (prout vult Suarez & plures alii) potest creature comunitati facultas instituendi Sacraenta. Non potest tamen creature à Deo committi potestas instituendi signa efficacia gratiae tali modo, ut si-  
cūt vis significandi, sic etiam vis causandi gratiam (quod utrumque importat Sacra-  
mentum) in voluntate seu institutione crea-  
ture radicetur, aut illa principaliter nitatur: quāvis enim significatio ex instituto non excedat facultatem hominis tamquam in-  
stituentis & causæ principalis; gratia ra-  
men causatio vires illius superat. Unde Sto-  
tus d. 1. q. 3. n. 5. & 6. Vaquez disp. 135. c. 2. &  
alii considerantes institutionem Sacramenti seu signi causativi gratiae, quatenus æqualiter referretur in instituentem, tum sub ratione signi, tum sub ratione causa gratiae, recte illam creature esse delegabilem ne-  
garunt. Atque ita constat, esse quæstionem de nomine; in qua optimè dici videtur, po-  
testatem instituendi Sacramentum sic posse delegari creature, ut tamen institutio simul & principaliter foret à Deo, tum quatenus delegante auctoritatē designandi signa quæ vellet, tum quatenus ipse dat efficaciam conferendi gratiam, scilicet per volitionem suam institutione creature priorem, quæ voluit gratiam annexi signis à creature de-  
signandis, posito quod designentur. Ita Poncius d. 4. q. 6. n. 40.

Si vero queratur, an potestas excellen-  
tiae, qua competit humanitati Christi cir-  
ca institutionem Sacramentorum, potuisse  
divinitus communicari puræ creature.  
Resp. Doctores passim id quidem negare, rursum in  
quæstionem tamen indigere declaratione. Nam humanitas Christi concurrit in primis  
designando signa sensibilia, eaque Ecclesia  
præscribendo. Et hoc constat potuisse com-  
municari puræ creature. Secundò concur-  
rit merendo de condigno gratiam remissio-  
nis peccatorum vel augmentum justitiae  
istis signis annexi, adeoque ipsam gratiam  
moraliter causando. Et de hoc quoque  
censendum est non implicare quantum ad  
meritum augmenti gratiae. Sed est contro-  
versia, quæ non est hujus loci, ap. divinitus  
possibile sit meritum puræ creature,  
quāvis sanctæ, quod sit condignum re-  
missionis alienorum peccatorum mortalium,  
afferentibus id Scrofis, cæteris ferè id ne-  
gantibus. Verum independenter ab hujus-  
modi merito potuisset in humanitate Ver-  
bo

bo upitā; adeoq; etiam in pura creatura esse potestas excellentiae quantum ad praesens, quāvis non tam perfectè defectu tituli meriti seu moralis causalitatis gratia. Deinde concurret humanitas Christi sic, ut in ordine ad habendam causam completè institutivam non foret opus ire extra personam; utpote, in qua junctim erat humanitas & divinitas. Et hoc constat non esse

communicabile puræ creatura manentem ratiōnē; ut nec communicabilem esse potestatem excellentiae, quatenus connotat suam radicem seu fundamentum, scilicet Unionem hypothaticam. Et sic fatis declaratum manet, an vel qualiter pura creatura divinitus potuisset circa institutionem Sacramentorum facere id quod humanitas Christi fecit.

## DISPUTATIO SECUNDAS.

### De Materia & Forma Sacramentorum novæ Legis.

**C**UM omne Sacramentum novæ Legis sit signum sensibile, dubitari non potest, quin in eo reperiatur illud quod signum est, & insuper ipsa significatio, qua se habet ad rem, qua signum dicitur, tamquam forma ad Materiam: sicut figura v. g. sedis habet se per modum formæ respectu ligni, ex quo tamquam materia illud arte factum componitur. Sed si cut in hac ipsa materia v. g. ligno est præterea materia & forma ligni: sic queritur, an in ipsis rebus sensibilibus, quæ signa Sacramentalia sunt, reperiatur præterea quod se habet instar materiæ, & aliud quod per modum formæ.

#### QUÆSTIO I.

An Sacraenta novæ Legis continent rebus ut materiæ, & verbis ut formæ?

**R**E.P. affirmativè. Est certa & communis Théologorum Doctrinæ. Eamque expressit Concilium Florentinum in Decreto de Armenis dicens: *Hec omnia Sacraenta & perficiuntur rebus tamquam materiæ, verbis tamquam formæ.* Ideoque Innocentius III. c. Non ut apponeres 5. De Baptismo definit, non esse Baptismum, qui collatus fuit per salivari defectu aquæ. Et Alexander III. c. Si quis eod. tit. determinat non esse baptismum collatum per ablutionem aquæ sine prolatione verborum: *Ego te bapto.* Item de quibusdam Sacramentiis v. g. Baptisi & Eucharistia, colligitur ex Scriptura, & de omnibus docet Ecclesiæ traditio, qua ab Apostolis profluxit. De quibus Dionysius Areopagita: *Ecclesiastica Hierarchia* ait: *Primi Dux sacerdotalis muneri visibilibus signis celestia Sacraenta texerunt, & partim scriptis, partim non scriptis institutionibus nobis tradiderunt.* Ratio à priori est voluntas Christi nobis per Ecclesiam intimata: supposito enim quod Christus determinata signa instituerit, patet ea necessario esse observanda: cum significatio practica gratiæ competere nequeat signis, nisi

ex divina institutione. Congruètia est, quod Sacraenta novæ legis proportionate ad ipsam legem debeant esse signa perfectissima, adeoque sensibilia sensibus perfectioribus, qui sunt visus & auditus; res autem videntur, verba audiuntur: & quia res præfuppontur verbis, & ab his quasi determinantur, ideo res dicuntur materia, verba forma.

In veteri tamen Lege pleraque aut etiam forte omnia Sacraenta confabant solis rebus: non enim reperitur aliqua verborum formula pro Circumcisione ceterisque illius legis Sacramentis prescripta. Idque congruebat obscuritati istius statutus & Sacramentorum umbraticorum; cum verba clarius & expressius significant, quam res.

Notandum autem non velle Concilium Florentinum, quod in quolibet Sacramento <sup>3.</sup> *verba in omni* <sup>1.</sup> *quavis verba in omni* <sup>2.</sup> *idem Concilium, ac etiam Tridentinum* <sup>3.</sup> *confessio* <sup>4.</sup> *Confessionem veralem* <sup>5.</sup> *mentis sunt recensent tantum materialia Sacraenti forma.*

Poenitentia, ac similiter satisfactio sèpè consistat in verbis, v. g. precibus vocalibus. Miser equidem doctrina Concilii generaliter vera: quidquid aliquam exceptionem fecerit Durandus 4. diff. 1. q. 3 n. 8. quia etiam Sacramentum Poenitentia consistat verbis absolutionis tamquam formæ, & rebus tamquam materiæ, scilicet peccatis, quæ sunt ad materiæ

<sup>Generaliter</sup> <sup>tamen vera</sup> <sup>manet do-</sup> <sup>trina Flo-</sup> <sup>rentini quo-</sup> <sup>ad materiæ</sup> <sup>& formam.</sup>  
materia circa quam, & contritione, quæ est materia proxima. Confessio etiam, eti. consistat in verbis, sive propriè dictis, sive æquivalentibus in necessitate; habet se tandem instar rei, quatenus ulterius determinatur per verba absolutionis tamquam formam. Similiter in Matrimonio reperiuntur res tamquam materia, scilicet corpora contrahentium, quæ sunt materia circa quam & obiectum contractus ac Sacramenti matrimonii: nec opus est aliam ibi materiam querere, ex qua Sacramentum componatur (qua in re plurimum laborant Varii, signanter Hugo d. 2. scđ. 1.) cum illud imitetur naturam contractuum, quorum materia censetur esse ipsum objectum quod in contractu proponitur. Ex quibus soluta manent rationes dubitandi Durandi.